

人之病四百以貴者少  
者壯者異論病兆脈弗蘇  
脈者長十六丈二尺浮者  
沉者滑者濡者逆者順者  
果診脈非藥弗治茶之品



一子以牛二苦者甘者酸  
者酸者苦者有毒者苦毒  
其果之自藥用變化在方位  
位安胡生長生不生之方  
鬼神所祕去桑君元里公回

生死死之方雷電取將歷代  
大公諸家大同未有如

聖朝太平直民和劑方也  
方者以爲家之律令格例  
也增者色之北也損者不

及亦北也臨川陳自明良  
甫汎覽群書然後真見太  
芻局方輕重少多之節小  
可任一毫私情增損之子  
編備總方十卷凡一可九

十六公窮鄉僻絕是旅蒼  
皇有疾者按方覓藥舒一  
時之急以待醫士之至夫  
用心厚矣雖他方也者神  
聖工巧之所寄品也者百

皆至人之事視澄知方視  
方知藥苦難也惟察脈為  
難今之人今之人未有託  
度量立規矩孫權衡按繩  
墨調陰陽用古脈法共余

行半天六景浮同之良曲  
善察脈理曷句為我精言  
之海祐元年六月六日大  
雲心以章未書

醫所謂神聖生而知之者  
也脉病證治其學而公之  
者乎是故醫莫貴乎學大  
抵識脉不如識病識病不  
如識證識證不如藥對精  
於藥在豈荒於學者所可

能哉靈藥之妙蓋莫如和  
劑之朝廷行用此方上而  
進  
御下而拯救生民其劑量  
斟酌輕重多少之節不知  
經幾有學識前輩技辯高

訂然後試之而輒效用之  
而無弊僕蚤歲膝下至于  
華髮讀海內古今醫書殆  
遍踪蹟落東南半天下講  
論既閱汗漫繁多蓋嘗反  
覆參驗此方包羅揆氣所

謂情而取諸約在籍以親  
朋遠遊因就局方撮要曰  
備急叢見蓋念醫書繁夥  
非行李所得盡載逆旅倉  
遽與醫藥或不相孚見者  
者傳錄之用輒效登再客

金陵暇日又取而增益焉  
始自中風訖于嬰孺科別  
類求彙而成編強曰按圖  
索驥似失之拘然前哲處  
方繩墨具在恐不刊而廢  
也同志之士倘改而正諸

不亦宜乎嘗咸淳辛未仲  
秋臨川醫學陳自明良甫  
序

新編備急大全良方綱目

分門類證

脈左右手圖

脈訣大要論

卷第一

諸風





卷第二

傷寒

咳嗽

痰飲

脚氣

卷第三

暑濕

瘧疾

卷第四

瘴疫

瘡癩

卷第五

脾胃

諸氣

霍亂

瀉痢

痔漏

淋祕

諸虛

痼冷

骨蒸

卷第六

積熱

咽喉口齒

眼目

瘡腫傷折

骨硬

諸毒五絕

卷第七

婦人雜病

求嗣

卷第八

婦人胎前  
坐月

催生

卷第九

婦人產後

服藥次序

卷第十

小兒諸疾

三十二類

新編備急大全良方綱目

新編備急管見大全良方目錄

醫學臨川陳自明編撰



是書乃名醫陳良甫所編首篇明脈訣之大要  
凡諸風傷寒痰嗽脚氣暑濕瘧疾瘴疫霍亂脾  
胃諸氣瀉痢痔漏淋閉諸虛癰冷積熱以五咽  
喉眼齒瘡腫傷拆婦人胎前產後之證小兒驚  
疳積熱之病各有證治各有方是書一經刻  
棗以惠天下良藥用心良矣未可以管見目之

新編

古今圖書集成

# 脉訣

左右手脉圖

第一 脉之大要

第二 七表脉

第三 八裏脉

第四 九道脉

第五 浮沉脉

第六 洪微脉

第七 虛實脉

第八 遲數脉

第九 恠脉

## 卷之一

### 治諸風

第一 中風證治

第二 卒中風證

第三 中氣

第四 中痰

第五 中暈

第六 中寒

第七 中濕

第八 卒中涎潮昏塞

第九 中風熱

第十 五藏中風

第十一 剛柔二症

第十二 破傷風破傷濕相類症病

第十三 中風無汗

第十四 中風自汗

第十五 失音不語

第十六 痰涎壅盛

第十七 手足緩縱不仁半身不遂口眼喎斜

第十八 白虎歷節走疰麻木

第十九 身體倦痛夜後腰背不能轉側

二十 拘急脚弱口噤

二十一 癱瘓手足不隨

二十二 偏風筋脉拘急攣痛

二十三 恍惚驚悸

二十四 身體疼痛

二十五 痰涎嘔吐痰沫

二十六 挫枕項強轉筋不得

二十七 頭目昏暈

二十八 頭痛頭風

二十九 癭癩瘡痒

三十 便秘

三一 打撲傷損出血破傷風腫  
三二 臂痛  
卷之二

# 治傷寒

附

痰飲 咳嗽喘急  
脚氣 暑濕瘧疾

第一 傷寒叙論

第二 傷寒十勸

第三 感冒證治

第四 傷寒在表

第五 傷風證治

第六 頭痛壯熱

第七 少陽經病

第八 傷寒在裏

第九 傷寒表裏不解

第十 表裏兩證俱見

十一 半在裏半在表

十二 傷寒表裏不解

十三 有表復有裏

十四 表未解而醫反下之

十五 表熱裏寒表寒裏熱

十六 傷寒陰證

十七 傷寒陽證

十八 潮熱

十九 渴證

二十 發黃

二十一 咽痛

二十二 酒後感風增寒壯熱

二十三 傷寒鼻衄

二十四 頭痛

二十五 嘔逆

二十六 喘急 諸般喘急附

二十七 咳嗽 諸般咳嗽附

二十八 婦人傷寒傷風證

二十九 痰證治

三十 停積痰飲

三十一 食積

三十二 虛煩

三十三 脚氣

三十四 感濕

三十五 伏暑

三十六 瘧疾證治

卷之三

# 治瘴疫

- 第一 瘴說
- 第二 叙疫
- 第三 殞疫證治
- 第四 瘡癩證治
- 第五 瘡癩方

卷之四

# 治脾胃

附 諸氣 瀉痢 痔漏 淋

- 第一 脾胃證治
- 第二 腹痛嘔吐泄瀉噫酸吞酸
- 第三 翻胃不食。霍亂證治方見前卷

- 第四 心氣脾疼
- 第五 胃膈不快
- 第六 膈氣
- 第七 九種心痛
- 第八 腹脇脹滿
- 第九 癥積氣塊
- 第十 小腸膀胱諸氣等疾
- 第十一 脇肋刺痛
- 第十二 氣虛腫滿
- 第十三 泄瀉
- 第十四 赤白痢疾



十五 腸風痔瘻  
十六 小便淋閉  
卷之五

### 治諸虛

附 瘡冷 骨蒸

- 第一 諸虛方論
- 第二 平補腎氣
- 第三 腎氣損甚兼調脾胃
- 第四 沉寒痼冷上盛下虛
- 第五 白濁遺精
- 第六 心氣不足怔忡健忘

- 第七 虛汗盜汗五心煩熱
  - 第八 消渴
  - 第九 虛勞發熱咳嗽吐紅
  - 第十 諸虛勞倦
  - 十一 虛勞用藥說
- 卷之六

### 治積熱

附 咽喉口齒 眼目骨硬 瘡腫傷折 諸毒五絕

- 第一 論積熱
- 第二 積熱證治
- 第三 口舌生瘡

- 第四 顛項結核咽喉腫痛
- 第五 骨骯及誤吞銅鐵竹木刺等證治
- 第六 牙齒疼痛
- 第七 眼目證治
- 第八 癰疽發背癩毒證治
- 第九 惡瘡疥癬湯火諸瘡
- 第十 擷撲傷折狗咬金瘡
- 第十一 解諸毒方 蛇蟲犬傷附
- 第十二 救五絕方

自縊 墻壁壓 溺水

魘寐 產死悶絕

卷之七

治婦人

雜病

- 第一 婦人用藥總論
- 第二 經脈不調
- 第三 經血過多不止
- 第四 崩漏下血過多眩暈
- 第五 五色帶下
- 第六 血海冷憊
- 第七 月經不通
- 第八 頭旋證治

第九 血風勞證治

第十 虛勞證治

十一 疝瘕陰冷頭風攣痺無子漏下

十二 諸虛上熱下冷多病

十三 心腹冷痛下冷少氣腫滿

十四 血風煩熱遍身瘙痒癭癰赤腫

十五 求子論

十六 月遊胎殺例

十七 十干日遊胎殺例

十八 十二支日遊胎殺例

十九 六甲旬遊太史局日遊胎殺例

卷之八

治婦人

二十 妊娠食忌

廿一 妊娠惡阻

廿二 胎動不安

廿三 漏胎下血

廿四 胎上逼心

廿五 心腹刺痛

廿六 妊娠腰痛

廿七 心腹脹滿

廿八 咳嗽

廿九 子煩

三十 妊娠傷寒傷風

卅一 妊娠瘡疾

卅二 泄瀉赤白痢

卅三 大小便不通

卅四 妊娠腫滿

卅五 滑胎易產

卅六 藏衣方位

卅七 入月預備藥物

卅八 治產難靈符

卷之九

三九 難產論

四十 催生方

四乙 驗死胎方

治婦人

四二 產後將護法

四三 產後服藥次序調理法

四四 胎衣不下

四五 產後血暈

四六 產後不語

四七 乍見鬼神  
四八 下血過多虛極生風  
四九 汗多變症  
五十 產後中風  
五乙 熱悶氣上轉為脚氣  
五二 遍身疼痛  
五三 心痛  
五四 心腹刺痛  
五五 口乾痞悶  
五六 乍寒乍熱  
五七 腹脹滿悶嘔吐不定

五八 產後血氣不通咳嗽  
五九 氣急喘促  
六十 口鼻黑氣起及鼻衄  
六一 產後血崩  
六二 四肢浮腫  
六三 腹痛瀉痢  
六四 大便祕澀  
六五 產後乳汁或行或不行及癰腫

卷之十

治小兒




新編備急管見大全良方目錄

胗脉要訣

左手脉訣

魚際高骨



弦與緊相似  
微與弱無別  
滑數則一般

心小腸脉所出  
肝脉膽脉所出  
腎膀胱脉所出

魚際高骨

訣脉手右

# 脉之大要



尺下  
關中  
寸口

命門三焦脉所出  
脾脉胃脉所出  
肺大腸脉所出

浮洪脉相切  
遲瀋似不殊  
沉伏難分別

大凡治病不察脉察脉雖為古人以切脉為下然用藥則未嘗不以脉為主而脉之大要且以浮沉洪微虛實遲數八脉以察病之虛實冷熱方可用藥精此八脉自不失病之大體何則如傷寒脉浮者在表可發汗脉沉者在裏方可下虛者補之實者瀉之諸洪與數者為熱諸微與遲者為寒無如此最驗也故果能精於浮沉虛實遲數洪微之脉便可免實虛損不足益有餘若其他脉體幽微訣斷當如王叔和正經說

## 七表脉

實汗動...  
此脉中...  
...



屬陽春夏見之易治

浮按不足舉之餘

滑脈如珠中有力

弦如始按琴弦狀

洪舉按之皆實大

### 八裏脈

屬陰冬夏得之病輕

微來如有又如無

遲緩息間三度至

伏須切骨沉相類

乳脈中空兩畔居

實形幅：與長俱

緊若牽繩轉索初

此名七表不同途

沉舉都無按有餘

濡來散上細仍虛

軟弱而沉指下圖

瀦脈如刀輕刮竹

### 九道脈

此名八裏坦如途

長脈壯熱卧不安

虛少力驚心恍惚

結主四體氣悶痛

牢時骨痛氣加喘

細脈往來微似線

短食不消四體寒

促加即死退時痊

代形真死不能言

動體虛勞血海崩

損精乏力脚酸疼

### 浮沉脈

浮沉者脈之上下也

二十五未滿則浮沉之脈宜沉也

浮者輕手取而得之在表屬陽若有力者宜發汗則愈矣  
沉者重手取而得之在裏屬陰若按之有力者宜下之愈

### 洪微脈

洪微者脈之大小也  
洪水共水為洪按之滿指有力屬陽太熱宜發汗通利之劑則愈  
微者極細之義似有似無屬陰太寒之證宜用溫熱藥則愈

### 虛實脈

虛實者脈之有無也  
虛者軟、弱、按之無力屬陰宜溫補之劑如夏月見此脈却是伏暑之證不宜用熱藥宜用暑藥要看外證辨驗  
實者浮沉舉按皆有力屬陽宜用冷藥以瀉之若脾胃部上見此脈反虛宜溫和之藥調理

### 遲數脈

遲數者脈之至數也

遲者一息之間脉三至也屬陰大寒宜用溫熱之劑則愈  
數者一息之間脉五六至也屬陽大熱宜用寒涼之劑以清之

### 恠脉

雀啄連來三五啄屋漏半日一點落彈石來硬時復散搭指散亂真解索魚翔似有又如無蝦遊靜中跳一躍寄語鑿家仔細看六脉見一休下藥

## 脉要訣

### 新編備急管見大全良方卷之一

臨川醫學陳自明良甫 編撰

### 治諸風

第一 中風證治

夫中風者皆因陰陽不調藏府氣偏榮衛失度氣血錯亂喜怒過傷飲啖無節恣情嗜慾致於經道或虛或塞體虛而腠理不密風邪之氣乘虛而中人也其狀涎潮昏塞不省人事舌強不能言此等疾證鮮有

不斃者然亦有輕重經云風中藏則性命危且以簡  
易言之先察口眼開闔以別重輕如眼開口喙無汗  
搐搦涎不作聲六脉遲浮者易治若眼閉口開手足  
不收自汗如珠如油髮直吐沫面赤如裝魚口氣麤  
咽中涎響似水雞聲或如拽鋸聲如鼾睡或時長噓  
搖頭上竄噴藥悶亂目瞪直視頭面青黑六脉急疾  
大數脉遲緩儻有一證皆不可治也若是中之輕者  
涎潮昏塞不省人事語言謇澁半身不遂緩縱譫或  
左癱右瘓偏枯風懿痿痺不仁口眼喎斜頭痛頭眩  
如坐舟舡之上角弓反張搖頭馬鳴白虎歷節走疰  
疼痛蟲行癢癢恍惚驚悸爲癩爲癩暗風倒地難可

枚舉已上之證皆可施治但近代之醫皆遺古法自  
立新意或執一說或本易簡不問陰陽冷熱虛實有  
汗無汗不問外感風寒內傷喜怒六脉沉伏或指下  
浮盛首以三生飲吞養正丹每見服之多有不救間  
有虛風冷證服之而安者乘輿執此爲法殊不知風  
爲動物證多屬陽王叔和云熱積生風是也外臺秘  
要言之甚詳古聖方書如至寶丹紅雪通中散龍腦  
芎犀圓牛黃清心圓薄荷煎大小竹瀝等湯便可見  
若中風有熱之證更服三建三生養正等藥可謂抱  
薪救火安有生理又論凡中風不可使用風藥中氣  
不可使用氣藥執此爲法此等之論因唐李潤云切

記風中人不可使用風藥氣中人不可使用氣藥總  
覺有此證候急用真麝香肉三錢研令極細以真麻  
油調令稀薄可飲爲度令患人服頓盡如牙關緊  
即擊開口灌入候少甦省後服大豆紫湯服羗活一  
二斤無妨服此二藥永無手足偏廢語言蹇澁之患  
於後見得證候分明若是中風只服排風續命等湯  
若是中氣只服蘇合香圓調氣等藥此等議論是唐  
季潤慮醫之不明爾亦未嘗令人不服風藥靜而思  
之若是富貴之家處此之時尚可抖擻真麝若中產  
之家束手待盡而已殊不知孫真人云治中風若不  
行小續命湯是不能治風近人畏而不用死者比

良可嘆息且如小續命湯治卒暴中風不省人事漸  
覺半身不遂口眼喎斜手足顫掉語言蹇澁肢體麻  
痺神情昏亂頭目眩重痰涎併多筋脉拘攣不能屈  
伸骨節煩疼不能轉側及治諸風服之皆驗又治瘧  
病角弓反張搖頭馬鳴歷節痛風小兒急慢驚風又  
治腳氣緩弱久服得差久病風人每遇天色陰晦節  
候變更宜預服之以防瘡啞然此藥四時自有加減  
如有汗者去麻黃減杏仁一半加乾葛若有熱者倍  
黃芩去附子減桂一半僅依此加減療疾累用有效  
許大學云凡治癱瘓一切風疾如排風續命竹瀝等  
湯非不能作效大藥此疾積襲之久非一日得之須

是大劑合三五料服喫得汗出如藥香方見效也今人服三五服而責無效其責醫也亦速耳孟子曰七年之病求三年之艾是也多見病家無主病者親故問病各立一說各授一方皆謂經效不待醫者商議可服不可服即便投之條焉至禍各自走散又有正在病中請得鑿來診視未定各逞己能眾議紛：使人疑惑不知孰是猶豫不決遂致困篤古人云貧無連士將金贈病有閑人說藥方是也莫若參以外證確意依方服藥毋信浮言以貽後悔

第二

卒中風疾證候未分首先用藥法

若卒中邪風一時僵仆不省人事倉卒之間無醫可

問或見理未明虛實冷熱難辨疑似之間可首先真麝香研細麻油調三錢重令稀薄得所服之口禁者擊開灌服若一時未辨宜先以蘇合香圓半兩姜湯調灌或兼以青州白圓子研細入生姜自然汁少許調勻灌服尤佳或煎穀神嘉禾散灌服亦有奇效近時庸醫不曉古意以為脾胃之藥與風與氣甚不相干便有此等謬論眩惑眾聽殊不知卒中之中由多因飲食中大怒而得之夫脾好歌樂故飲宴中置歌舞以悅脾也蓋怒劇傷肝肝不受邪移氣尅於脾土又風喜傷肝：移氣凌脾：主四肢况涎乃脾之液所以風中之人多有嘔吐涎沫涎潮昏塞不省人事四

肢偏廢用嘉禾散收效者此意也近代亦有用麝香煎五積散間有獲效况五積散亦是大陰脾經之藥然其性差熱疾證未分不可多服如參蘇飲星香飲三倍湯分心氣飲加防風煎皆可與服此予家三世取效方也

第三 氣中證治

若卒然急中不省人事當子細審問若因氣不順而中者當作氣中治之其說雖不見於古書考其至理多由喜怒過傷暴怒傷陰暴喜傷陽又云怒則氣逆喜則氣緩怒極傷肝喜極傷心氣血交亂經絡壅遏蓋人之氣象天地之風鬱抑則生疾其中人也卒其

眩人也暈激人涎浮昏人神亂所以聖人以風爲百病之長若中氣者亦牙關緊急手足搐搦四肢不舉漸無知悶絕而倒但口中無涎者是其證也是齋云治法與中風同宜先與蘇合香圓或麝香煎五積散或木香調氣散分心氣飲參蘇飲嘉禾散烏藥順氣散皆有效

第四 中痰證治

若手足禪曳口眼喎斜或一邊身體不隨或手足身中有一點釣痛腸鳴多睡口中多流睡涎此是中痰也宜以參蘇飲及控涎丹或星香飲子皆效

中暈證治

若因盛暑在途忽然僵仆不省人事當作中暍治之此疾皆由飢而感冒暑熱之氣而得之宜用白虎湯或來復丹研細濃煎紫蘇湯調灌或以大黃龍圓服之即省若在荒野僻陋之處一時無藥但以大蒜細研以湯調灌亦得甦省切不可冷水灌之斷不能活宜用布巾蘸熱湯熨灼人肘臍上下必省若偶在無人所居之境一時無湯可移病人安於樹陰之下却搦路上熱土安於病人臍上仍撥開作一竅以人注尿於其中得暖即活

第六

中寒證治

若遇極寒之時忽然氣厥暈悶不省人事皆由牀虛

氣弱而中寒氣當以附子理中湯治之

第七

中濕證治

若遇風雨襲虛山澤蒸氣民多中濕亦能令人一身盡痛氣厥不省人事當作中濕治之宜以朮附湯異功五積散

第八

卒中涎潮昏塞急當吐之證治

若中風卒暴不知涎聲上下相引如拽鋸此由飲啖無度氣血閉塞停留胃中與風相搏內化成痰若投以諸湯蓋氣閉涎隔而卒不得下急當吐之使快爲度然後隨證用藥雖初虞世有金虎碧霞之戒且如卒暴涎生聲如引鋸牙關緊急氣閉不行湯藥不能



人命在須臾執無吐法可乎但不當用銀粉等藥則壞人四肢嘗原古人之論病在上膈當吐之瓜蒂之類是也宜孫兆稀涎散許學士勝金圓皆可用也

第九 中風熱證治

外臺秘要云元初中風四肢不收揚手擲足心神昏憤眼不識人言不出口煩悶惡衣噴藥悶亂此等疾證多由熱起王叔和云熱積生風是也故先聖用至寶丹紅雪通中散龍腦芎犀圓薄芎煎牛黃清心圓以對之亦有單飲竹瀝及大小竹瀝湯敗毒散加防風荊芥煎服亦效若不審是熱積生風例以三生飲三建湯養正丹投之則禍不旋踵蓋其中有天雄烏

附其性大熱服之如抱薪救火鮮有不斃者真所謂實、虛、損不足益有餘如此死者鑿殺之耳學者宜審思之

十一 五藏中風證治

若五藏中風自有專條但風中藏則性命危如中之輕者可與排風湯治狀詳見局方

十二 剛柔二瘧證治 又名曰瘧

夫剛柔二瘧者病人先憎寒發熱有類傷寒忽然身軀強直如角弓反張口禁咬齧搖頭馬鳴如發癩之狀婦人新產血虛多汗出喜中風多有此證當察有汗無汗以分剛柔若無汗惡寒名剛瘧小續命湯主

之有汗不惡寒名柔瘧小續命湯去麻黃加葛根主  
之凡剛柔二瘧並可與小續命加減服之又有大豆  
紫湯與竹瀝並可與服然得斯疾十愈三四耳

十三

破傷風破傷濕相類瘧病證治

若先因金刃所傷或打撲傷損或風或濕從瘡口中  
入或身軀強硬如角弓反張口噤咬齧搖頭烏鳴如  
發癩之狀者當作破傷風破傷濕治之宜用胡氏奪  
命散若傷重不省心頭尚溫急以此藥調方寸已灌  
服下咽即活併進二服起死如神

僕鄰近有晏匠其子被斧傷足因洗而有是證  
僕不在家山醫者不識是證遂卒可傷可笑

十四

中風無汗證治

若奄忽之間涎潮昏塞不省人事口眼喎斜肌膚不  
仁左癱右瘓半身不遂筋掣骨痛或腰痛如折身軀  
無汗或有時略省此是軀虛而中邪風治之宜用小  
續命湯木香煮散排風竹瀝等湯兼靈寶丹併進十  
服得汗而解聖人爲虛風無汗而設諺云風隨汗愈  
是也

十五

中風自汗證治

若有已上疾證遍軀自汗者不可與續命排風等湯  
蓋其中有麻黃杏仁故也宜以續命煮散獨活湯

十六

失音不語證治

若失音不語者風邪客於心脾二經上入於機關也  
機關者舌本也若閤膈不通其人精神昏憤宜牛黃  
圓通閤散神仙解語丹若漸能語而牙閤緊急者宜  
細辛散

十七

痰涎壅盛證治

若中風痰涎壅盛者宜星香飲省風湯三倍湯白圓

子

十八

手足緩縱不仁半身不遂口眼喎斜證治

若因風邪中於經絡氣血行遲機關緩縱手足不仁

麻痺

半身不遂口眼喎斜者可與靈寶丹

若偏風語言蹇澁者可與小續命湯木香煎散

十九

白虎歷節走疰骨節疼痛及麻木證治

若偏風走疰歷節疼痛或如鈍鍛或如蟲嚙晝靜夜  
劇痛不可忍是白虎歷節證也宜與小續命湯兼以  
活絡丹若身軀麻木者亦可服麝香圓亦妙

二十

身軀倦痛中夜後腰背疼痛不能轉側

證治

若每到中夜後腰背疼痛轉側不得或身軀倦痛者  
皆因風寒濕三氣傷於經絡可與小續命湯太便秘  
小便多身疼者可與木附湯若骨節煩疼者可與乳  
香趁痛散或身軀麻木足脛弱者可與追風應痛圓  
黃耆圓 腰痛甚者可與神應圓青娥圓近人以異

切五積散加桃仁煎服效

二一 拘急脚弱口噤證治

若拘急脚弱口噤者可與龍虎丹小續命湯豈无效

二二 癱瘓手足不隨證治

若癱瘓手足不隨者可與透冰丹

二三 偏風筋脉拘急攣痛證治

偏風筋脉拘急攣痛者可與驅風圓乳香趣痛散乳

香圓七寶丹

二四 恍惚驚悸證治

若恍惚驚悸者皆因軀虛受風心氣不足風邪入於心經也可與抑風湯定志圓平補鎮心丹降心丹辰

砂妙香散十四支圖天王補心丹 有熱者牛黃清心圓至寶丹

二五 諸風身軀疼痛證治

若諸風身軀疼痛者皆因風邪之氣入於經絡不能發散致令手足骨節疼痛或拘攣不得屈伸者可與乳香趣痛散追風應痛圓活血丹乳香圓沒藥圓太嶽活血丹皆可服宜先以五香散淋漑次以活血丹塗之

二六 諸風痰盛嘔吐涎沫證治

若諸風初發時痰逆嘔吐者可與穀神嘉禾散藿香湯半夏散橘皮半夏湯參蘇飲温中化痰圓服之嘔

吐立止

二七

諸風挫枕項強轉筋不得證治

若挫枕項強者皆因氣虛閼膈不通致令項筋強硬轉側不得筋絡不順疼痛可與追風散三五七散痰盛者可與青州白圓子如頭目昏痛項背拘急肢躄煩疼者可與消風散川芎茶調散如聖餅子蝎附散極妙

二八

諸風頭目昏暈證治

若頭目昏眩不清快者與消風散茶調散防風圓

若虛弱及年高人風寒入腦頭痛發眩如坐舟中者可與三五七散及防風圓木附湯 許學士以養正

丹療風虛疾眩有效

二九

諸般頭痛入般頭風證治

若頭痛頭風者可與太陽丹茶調散急風散白龍圓芎辛湯芎菴散蝎附散如聖餅子追風圓黑神圓七生圓

三十

諸風癢癢癰癩證治

若諸風癢癢癰癩皆因血氣不順面如蟲行腫動血氣滯者宜先服青木香圓一貼次服皂角煎圓一貼却與胡麻散排風湯消風散四生圓四生散

三一

諸風便秘證治

夫大便秘結不通者有風有氣有熱又有脾約等證

若因風邪熱滯壅遏腸胃津液乾燥故秘澁不通者  
可與麻仁圓甚者與皂角煎圓得大腑過佳服年專  
者不宜多服若氣秘不通者與三和散 若熱而秘  
者與七宣圓甚者小三黃圓 若大便硬小便數其  
脾爲約宜與脾約麻黃圓 若老人風秘及產後去  
血過多腸胃燥澀便秘不通宜以四物湯加去白青  
皮煎服 老人風秘冷秘者與半硫圓

三二

打撲墜傷損出血破傷風腫證治

若因打撲墜傷損出血者或破傷風入發腫者可  
與五香散用生薑自然汁調藥貼患處內損者與太  
徽活血丹血不止者與花藥石散血竭散玉真散乳

香圓沒藥圓應痛圓越痛散 陳總領治打撲傷損  
顛搥損破皮肉及刀刃所傷急取未經水葱白細切  
炒令極熱以裹傷處血止痛住神妙 又以晚蚕蛾  
爲細末和石灰晷傷處住痛止血瘡口即合神妙腸  
出破者以桑白皮爲線用針縫之然後博藥

三三

臂痛證治

夫臂痛者其說有五 若臂痛筋脈攣急不得屈伸  
遇寒則劇由肝虛爲風寒邪氣留於經絡故筋攣乾  
急而痛脈緊而細者宜以小續命湯或以異功五積  
散加全蝎麝香煎甚者以拍子仁圓 若臂痛不能  
舉時復轉移或左或右此由中腕伏痰脾氣滯而不

行則上下不運而痛其脉沉細宜茯苓圓或控涎丹  
若臂痛流走上下无常外連肌肉牽引背胛時發時  
止由榮衛之氣循行失度遂受風毒之氣行於血中  
隨血上下新故相搏則痛宜小續命湯兼麝香圓甚  
者以白芥子散 若卒然一臂無力痛不能舉掣二  
似汗肌肉時復掣痛手不及頭此寒濕客搏而筋緩  
也宜以異功五積散加全蝎麝香煎甚者以四君子  
湯加芍藥附子生姜煎服 若氣血凝滯經絡不行  
臂痛不能舉者宜舒經湯

### 新編備急管見大全良方卷之一

新編備急管見大全良方卷之二

### 治傷寒

附

痰飲

咳嗽

暑濕

脚氣  
瘡疾

### 第一 傷寒叙論

且如傷寒治法始於仲景太守之書元符間龐安常  
作傷寒總論政和間朱奉議脈編而爲活人書詳觀  
方論意義纖悉具載可謂盡善盡美皆本於仲景之  
書及諸家之善真千古不朽之良法令人不能深求  
其意妄加治療注：中暑乃作熱病治之反用溫藥  
濕溫乃作風溫治之復加發汗名實混淆是非紛亂  
性命之寄危於風燭自後有錢倅李氏剽竊作歌目

之曰類證活人書盧氏集數篇名傷寒片玉皆語詞鄙俚言不盡意要之不可爲法是以識者皆不觀覽今有李氏子立作傷寒十勸雖未能盡聖人之萬一其中多有可取亦不出活人之書僕取其捷見也併錄于后

第二 傷寒十勸

○一頭疼身熱便是陽證不可服熱藥

傷寒傳三陰三陽共六經內太陰病頭不疼身不熱少陰病有反發熱而無頭疼厥陰病有頭疼而不發熱故知頭疼又身熱者即是陽證若醫者妄投熱藥決致死云 僕考之痰證云但頭不疼項不強爲異耳然痰證

頭疼者衆僕多見庸醫看證不審纔見發熱頭疼便以和解散而死者亦有便用五積散而死者是皆偏見曲說有好用涼藥者則附子硫黃笑而不用有好用熱藥者則大黃芒硝畏而不敢使此世之通患

○二當直攻毒氣不可補益

邪氣在經絡中若隨證早攻之只三四日愈若醫者妄謂先須正氣却行補益使毒氣流熾多致殺人

○三不思飲食不可服溫脾胃藥

傷寒不思飲食自是常事終無餓死之理如理中圓之類皆不可輕服若湯病服之致熱氣增重或不可救

○四腹痛亦有熱證不可輕服溫暖藥



難經云痛爲實故仲景論腹滿時痛之證有曰痛甚者加大黃夫痛甚而反加大黃意可見也唯身冷厥逆而腹痛者方是陰證當消息之每見醫者多因腹痛便投熱藥而殺人

○五自利當察陰陽證不可例服補暖及止瀉等藥凡自利身不熱手足溫者屬大陰身冷四逆者屬少陰厥陰外其餘身熱下利皆是陽證當隨證依仲景法治之每見醫者多因下利便投暖藥及止瀉藥而殺之

○六肖脇痛及腹脹滿不可妄用艾灸  
常見村落中有此證無藥便用艾灸多致毒氣隨火而盛腹脹發喘而死不知肖脇痛自屬少陽腹滿自屬太

陰也此外惟陰證可灸 村人近以爲沙病灼艾而死者甚衆又有以麻油燈烙之

○七手足厥冷當辨陰陽不可例作陰證治之

有陽厥有陰厥醫者少能分辨陽厥而投熱藥殺人速於用丹蓋陽病不至於極則不能發厥仲景所謂熱深則厥亦深是也熱深而更與熱藥安有復活之理但着初得病而身熱至三四日後熱氣已深大便秘小便赤言語昏憤及別有熱證而反發厥者必是陽證而發厥也宜急用承氣湯下之若初得病身不熱大便不秘自引衣蓋覆或下利或小便數不見熱證而厥逆者即是陰證發厥也方可用四逆湯之類二厥所以使人疑者

緣爲其脉皆沉然陽厥脉沉而滑陰厥脉沉而弱又陽厥時復指甲却溫陰厥常冷此爲可別也

○八病已在裏即不可用藥發汗若尚在表切不可用藥利藥凡傷寒證須看表裏如發熱惡寒則是在表正宜發汗如不惡寒反惡熱則是在裏若醫者一例發汗則所出

之汗不是邪氣皆是真氣邪氣未除真氣先涸死者多矣又別有半在表半在裏之證及無表裏證不唯終不可下仍亦有不可汗但隨證治之

○九飲水者爲欲愈不可令病人恣飲過度病人大渴當與之水以消熱氣故仲景以飲水爲欲愈人見此說遂令病者縱飲因而爲嘔爲喘爲咳爲腫爲

悖爲水結皆爲小使不利者多矣且如病人欲飲一碗只可與半碗之類常令不足爲善

○十病新差不可過飽及勞動或食羊肉或行房事與食諸肉汁并飲酒

病方愈脾胃尚弱強食過飽不能消化病即再發謂之食復病方愈氣血尚虛勞動太早病即再來謂之勞復又傷寒方愈食羊肉酒及行房事者並死若食諸肉汁并飲酒者再病

第三 今并附李于立跋于右

予每念父祖俱死於傷寒乃取仲景所注深繹熟玩八年之後始大通悟陰陽經絡病證藥性俱了然在

肯中緣比於江淮之民冒寒避寇得此病者頗衆遂  
觀仲景法隨證而施之藥所活者不啻數百人乃知  
傷寒本無惡證皆是妄投藥餌所致自追悼父祖之  
命皆爲醫所殺而又歎人無問於貧富貴賤於此不  
能自曉則輕傳一命於庸醫手也今輒振其流俗多  
誤有害於命者略開其十目曰傷寒十勸其言不復  
成文冀人之易曉以爲深戒云李子立跋陳總領云  
夫此十勸大有益於世余所至官所常刊以濟人

第四

感冒證治

夫感冒之證皆曰傷寒未易輕議活人書中論傷寒  
之證一十有三曰傷寒傷風熱病中暑溫病溫瘧風

溫之疫中濕風濕溫瘧病溫毒也又有痰證食積  
虛煩脚氣皆是憎寒發熱有類傷寒然治之有法非  
雜病之比五種不同六經各異陰陽傳變日數淺深  
藥劑溫涼治有先後差之毫厘輕者危殆且如太陽  
病發其汗遂漏不止其人惡風小便難四肢微急難  
以屈伸者桂枝加附子湯主之又太陽病自汗四肢  
拘急難以屈伸心煩微惡寒脚攣急小便澀者慎不  
可與桂枝也宜與甘草乾姜湯芍藥甘草湯但觀此  
二證相去不遠而用藥一差便有死生禍福之異况  
有不識法者乎傷寒惟兩感不洽其餘證候雖感異  
氣能消息之無不愈者設有差失仲景所謂醫殺之

耳所以在表宜汗在裏宜下半在表半在裏宜和解  
表裏兩證俱見隨證滲泄無表裏證用大柴胡湯下  
之知其法者若網在綱如此而汗如此而吐如此而  
下桂枝承氣瓜蒂四逆用之而不差惟其應汗而下  
爲痞爲結背爲懊懷應下而汗爲亡陽爲譫語爲下  
厥上竭又有當溫反吐瘵熱以溫變證百出無復紀  
律擾：萬緒起矣是以不易言者此也班固有言有  
病不服藥爲中醫蓋謹之也

第五

傷寒在表證治

夫一時感冒輕者言之如憎寒惡風發熱頭痛身軀  
百節疼痛小便清無汗脉浮緊者在表當發其汗則

愈宜麻黃湯若不辨脉息况始得病之初且以升麻  
葛根湯十神湯芎芷香蘇散萬金散以解之若汗不  
出其熱未退高惡寒切不可輕用大黃等藥利之  
蓋其病尚在表且以升麻葛根湯或敗毒散必解矣  
初虞世云南人用藥失之太熱北人用藥失之太寒  
惟敗毒散升麻葛根湯爲解肌之冠若又未解身熱  
惡寒無汗脉浮却以葛根解肌湯服之必得汗而解  
若得汗後切宜避風

第六

傷風證治

若發熱頭疼身軀痛惡風自汗小便赤少脉緩弱者  
此名傷風也當以桂枝湯若初得病之輕者且以神

木散或神仙百解散或和解散與服大抵傷寒傷風  
只論有汗無汗若發熱惡寒無汗名傷寒發熱惡風  
有汗名傷風經云有汗不得服麻黃無汗不得服桂  
枝者此也又有傷風之輕者但頭目昏眩鼻流清涕  
或鼻塞聲重噴涕不已甚者咳嗽宜以神木散玉屏  
風散無汗者消風百解散極妙

第七

頭痛壯熱證

若頭痛壯熱者可與敗毒散甚者方可與柴胡石膏湯

第八

少陽經病證治

若傷寒三四日後背脇痛耳聾口苦舌乾往來寒熱  
而嘔者屬少陽宜以小柴胡湯治之

第九

傷寒在裏證治

若不惡風寒但惡熱手掌心并腋下濺汗出大便  
秘小便赤或譫語或汗多或口燥舌乾腹脹氣急脉  
沉而滑實者裏證也亦不可候他證須急下之宜大  
承氣湯若疑貳之間且以大柴胡湯蓋惡承氣太緊  
耳凡傷寒雖然下證悉具然發於陽者下之早則為  
結胸發於陰者下之早則為痞况於誤下誤汗者乎

第十

傷寒表裏不解證治

若病人脉浮大是表證當汗其人發熱煩渴小便赤  
却當下此是表裏不解五苓散主之若感風發熱六  
七日不解有表復有裏渴而飲水入即吐名曰水逆

亦宜以五苓散

十一 傷寒表裏兩證俱見證治

若不大便六七日頭痛發熱病在裏當下之其人小便清者知不在裏仍在表當須發汗此是兩證俱見即未可下宜以桂枝湯

十二 傷寒半在裏半在表證治

若病人心中滿口不欲食大便秘脈沉細是裏證當下其人頭汗出微惡寒手足冷却當汗此兩證俱仲景所謂半在表半在裏也小柴胡湯主之

十三 傷寒表裏不解證治

若太陽病表證未除而醫數下之遂協熱而利；不

止心下痞鞭仲景謂之表裏不解桂枝人參湯主之

十四 傷寒有表復有裏證治

若太陽病醫反下之因爾腹痛是有表復有裏宜桂枝加芍藥湯痛甚者桂枝加大黃湯

十五 傷寒表未解而醫反下之證治

若太陽病桂枝證醫反下之利遂不止脈促者脈來是也表未解也喘而汗出者葛根黃芩黃連湯主之

十六 傷寒表熱裏寒表寒裏熱證治

若病人身大熱反欲得衣熱在皮膚寒在骨髓脈須沉而遲手足微厥下利清穀名表熱裏寒也宜先與陰旦湯寒已次與小柴胡加桂湯以溫其表 若病

人身大寒反不欲近衣寒在皮膚熱在骨髓名曰表寒裏熱也脉必滑而厥或口燥舌乾也宜先與白虎加人參湯熱除次以桂枝麻黃各半湯以解其外

此其大略也若表裏不分攻之不愈其證疑便不可輕易深進藥餌當與明了醫者商議以病合證以證合方要依經典活人書也而投之未有不安者也若醫者口授一方自逞了強作明能皆不本於方冊妄謂得之家傳已效之方斯皆庸謬不經微倖萬一之徒設或輕信之而服其所投之劑是亦自斃而已故不合於和劑方王氏指迷太平聖惠千金外臺活人等書

皆不妄進切宜謹之

十七

傷寒陰證治

傷寒兩三日或五七日身牀疼痛不可轉側自汗四肢厥冷瀉而不渴或吐泄瀉臍腹痛或有咽喉痛輕者可與理中湯若四肢冷甚腹痛氣急者與薑附湯多加甘草煎服及附子理中湯併服若更重者可與黑錫丹金液丹隨輕重而用之若瀉止四肢復有寒熱却與五積散加茱萸鹽煎或與聖散子之類得微汗而解不然則毒氣再復便難治也

十八

傷寒陽證治

傷寒六七日或至十數日或誤服諸熱藥發熱煩躁狂

走面赤而渴或瀉赤汁膿血者可與洗心散四順清涼飲小柴胡湯小三黃圓主之

十九

傷寒潮熱證治

傷寒五七日至十日已上早間稍惺、至申酉前後發熱不惡寒有汗出大便不通三兩日或譫語而渴可先與辰砂五苓散如不退次与小柴胡湯如又未退且與洗心散又未退合用調胃承氣湯故仲景云其熱不潮未可與大黃藥則知潮熱當下無疑矣

二十

傷寒溫證治

傷寒至十數日渴甚或發熱而渴不惡寒大便如常者此是胃中虛燥可與五苓散甚者竹葉石膏湯若

是夏月恐是伏暑宜兼以酒蒸黃連圓

二十一

傷寒發黃證治

若傷寒眼睛身腫皆熏黃色小便不利或頭汗出者以山茵陳山梔子仁炒各二錢重濃煎湯調五苓散多服取效若因酒作瘰身腫面目悉黃者小柴胡湯主之

二十二

傷寒咽痛證治

傷寒咽喉痛者多是陽氣上熏則咽喉痛也輕者可與升麻葛根湯加苦梗煎或如聖湯甚者日久不退可與洗心散四順飲犀角消毒飲尋常咽喉腫痛者可與升麻葛根湯或如聖湯玉屑元憂散腦麝三



黃圓痰涎壅盛者雄黃圓如聖勝金錠極效

二二

酒後感風憎寒發熱證治

凡人飲酒後感寒必先惡寒未曾發熱必喜親火然後頭痛發熱身體痛惡寒先汗者可與升麻葛根湯或參蘇飲加乾葛煎蓋葛能解酒毒也多見俗醫下學无識便以五積散而殺之可不慎歟

二四

傷寒鼻衄證治

傷寒五七日鼻衄或吐血者以犀角地黃湯鼻衄者以白茅花濃煎湯調五苓散雖云傷寒衄血者愈然陽氣盛則吐衄不可用諸般溫熱藥但宜與白茅花根如死之以濃煎湯吞雞蘇圓或婆苛煎若吐血衄血不

止者以此湯吞小三黃圓或煎成洗心散調真蒲黃服之

二五

傷寒頭痛證治

傷寒病雖退而頭痛不止者蓋諸陽所聚熱毒之氣上攻致令頭痛不止可與太陽丹龍腦芍犀圓

二六

傷寒嘔逆證治

傷寒嘔逆不止五七日至十數日發熱口乾渴小便赤者可與五苓散 若腎脇痛口苦舌乾往來寒熱而嘔者屬少陽可與小柴胡湯或少氣虛煩吐逆者與竹葉石膏湯若服冷藥太過胃寒而吐者則不渴大便如常或自利或吐蛇蟲此胃中寒也可與理中

湯嘉禾散

二七

傷寒腹痛證治

傷寒腹痛有冷有熱不可一槩用藥或發熱不惡寒或渴大便三四日不通腹中逆臍而痛者此胃中有燥屎也不可溫熱藥輕者且与小柴胡湯加芍藥喫三四服如大便未通可用大柴胡湯 若因服冷藥太過大便自利身无熱不渴手足冷而腹痛者此冷痛也輕者理中湯重者加附子或姜附湯加

二八

傷寒喘急證治諸般喘急附

傷寒喘急只有太陽三明二證若太陽病頭疼發熱身疼惡風无汗而喘者可与麻黃湯發其汗則愈

太陽病下之微喘者表未解也桂枝加厚朴杏子湯主之 又桂枝證醫反下之利遂不止脉促者表未解也喘而汗出者葛根黃芩黃連湯主之 太陽与陽明合病喘而汗出者宜汗之属麻黃湯 若陽明病脉浮无汗而喘者亦當用麻黃湯 若陽明病汗出不惡寒腹滿而喘有潮熱者宜下 属承氣湯 又發汗後飲水多致而微喘者水停心下腎水乘心上也小青龍去麻黃加杏仁主之 小腹滿者去麻黃加茯苓也已上是治傷寒而喘 若尋常感風邪乘於肺經喘急者可与葶蓋散欬肺散入參潤肺圓寒喘湯欬冬花散蘇子降氣湯虛寒者兼服黑湯

丹 若肺經有熱而喘者口燥舌乾心煩大便必小便赤者可與洗心散冷水調服 若喘而不得臥者當作水氣治之見後卷

二九

傷寒咳嗽證治諸般咳嗽附

傷寒咳嗽者風寒邪氣乘於肺經或飲水過多停飲也咳而微喘發熱而渴或發寒熱腸下痛者可與小青龍湯 若腸下痛甚者此有飲也於小青龍湯加醋炒芫花少許煎芫花不可多入 如發寒熱咳嗽未盡退宜與小柴胡湯去人參生薑大棗每貼加北五味子三十粒乾姜一字許同煎或以秦艽鱉甲散若尋常遇夜嗽甚或吐清涎若飲酒則嗽減此寒嗽

也又名傷冷嗽也可與細辛五味子湯五嗽圓人生薑香散胡椒理中丸或理中湯加北五味子煎若胸膈不快氣壅上盛臉赤口舌乾燥遇飲酒則甚此熱嗽也可與金沸草散加桑白皮煎葶蓋散洗心散大阿膠圓人參養肺丸人參款花膏 若咽乾膈熱咯血者宜大阿膠丸蠟煎散人生養肺丸龍腦雞蘇丸薄荷煎 若血熱妄行吐血者可與龍腦雞蘇丸薄荷煎四物湯加荊芥煎服 因虛勞用力太過吐血不止者祕傳降氣湯 肺癰咯唾膿血者如聖湯祕傳降氣湯王之 寒熱相交咳嗽甚者秋冬之間多有之可與葶蓋散款花散人參款花膏人生潤

肺丸小兒潤肺散極效須是三錢重作一服老人小兒喘嗽尤宜服之 若受濕咳嗽者可與藿香正氣散或異功五積散加大棗煎服素問云秋傷濕冬咳嗽是也

## 治痰飲

三十

痰證治

若憎寒發熱惡風自汗背膈痞滿而頭不疼項不強寸尺脈浮此爲有痰也宜以金沸草散排翳參蘇飲吉皮半夏湯

三一

停痰積飲證治

若停痰積飲不化留滯胃脘令人頭目昏眩嘔惡不快腹中漉漉有聲可與消飲丸倍朮丸五苓散有寒者可與理中湯俞山人降氣湯青州白丸子或  
有因飲酒過多停飲嘔渴惡心或有臂痛腰痛不思飲食者可與新法半夏湯消飲丸天南星丸參蘇飲加乾葛煎服

三二

食積證治

若頭疼發熱惡寒身不疼痛左手脈和平氣口脈緊數者此爲傷食也宜以治中湯五積散主之

三三

虛煩證治

若不惡寒身不疼痛頭不疼脈不緊數但煩熱者虛

煩證也輕者宜溫臟湯重者可與竹葉石膏湯

## 治脚氣

三四

脚氣證治

若頭痛身熱肢節痛大便秘或嘔逆而脚屈弱者脚氣候也輕者與香蘇散加干木瓜檳榔生薑煎服然後隨證治之要之有脚氣之人先從脚起或先緩弱疼痺或行起或倒或兩脛腫滿或脚膝枯細或心中忪悸或小腹不仁或頭不知或舉身轉筋或見食嘔逆惡聞食氣或胃滿氣急或變體酸痛皆脚氣候也黃帝所謂緩風濕痺是也頑弱名緩風疼痛為濕痺

寒中三陽所患必冷小續命湯主之煎成入生姜自然汁最快暑中三陰所患必熱小續命湯去附子減桂一半主之大煩燥者紫雪最良若無紫雪以真薄荷煎冷水調服亦效大便秘者脾約麻仁丸三和散七聖攢榔丸石南圓蘇子降氣湯主之如脚氣入腹者八味圓沉香降氣湯主之仍針灸為佳若服補藥與湯淋洗者醫之大禁也

## 治暑濕

三五

感濕證治

經云風雨襲虛山澤蒸氣民多受濕流關節則一

身盡痛發熱身黃小便不利大便反快六脉濡弱此  
感濕證也輕者與滲濕湯不換金正氣散和解散甚  
者異功五積散木附湯不任熱藥或小便不利者五  
苓散主之外臺秘要云治濕不利小便非其治也

三六

伏暑證治

夫伏暑之證從暑中來涼處坐其暑喜伏於內素問  
云因於暑汗煩則喘喝靜則多言体若燔炭汗出而  
散中暑則背寒面垢如塵埃着面如油齒乾乾嘔煩  
寃手足微冷煩渴口燥四肢却不痛重但覺倦怠酒  
洒然毛聳惡寒發熱煩悶其脉微弱按之無力者伏  
暑證也甲乙經云脉虛身熱得之傷暑者此也宜白

虎湯註秋後及亡血小柴胡湯煎成沉冷服痰逆惡  
寒者橘皮湯不惡寒者竹葉石膏湯主之頭疼惡心  
煩躁心下不快者與五苓散湯甚者酒蒸黃連元主  
之常服預防暑氣者宜消暑圓大黃龍圓枇杷葉散  
桂苓圓黃連香薷散可選而用之

三七

婦人傷寒傷風證治

婦人傷寒與男子本無異議 若適然感風經脉凝  
滯頭疼惡風發熱自汗者可與桂枝紅花湯 若婦  
人經脉正行或纔通適然感冒寒發熱晝日明了  
暮則讞語如見鬼神或三五日或七八日不安者此  
為熱入血室也輕者可與四物湯只用生乾地黃加

此柴胡等分同煎此藥大治婦人產後血虛發熱極妙疾勢甚者與小柴胡湯加生乾地黃如人參數同煎服

### 治瘧疾

三八 瘧疾證治

若病人先熱後寒尺寸脈俱盛名曰溫瘧或寒熱相等者俱宜與小柴胡湯 若先寒後熱者宜小柴胡加桂湯 若多熱但熱者名瘧瘧白虎加桂湯 若多寒但寒者名寒瘧宜柴胡桂薑湯 若素有瘧氣及不伏水土發熱頭痛汗多煩渴小便赤澀嘔吐甚者宜與辰砂五苓散 若腹脇脹痛大便不通者可

與良方治瘧木香圓已上疾證多出二廣及漳州界上有之餘處無此須子細審問發藥 若因在風露之下坐臥稍久寒熱如瘧輕者只服香薷湯五苓散如脈息緩弱寒多熱少身軀重痛大便或泄宜與人參輕骨散或異功五積散最良經云因於露風乃生寒熱是也 若夏傷於暑秋成瘧瘧者大黃龍圓小柴胡湯辰砂五苓散可選而用之 若痰盛作瘧鬼瘧食瘧瘧瘧等可與七寶飲勝金圓主之 若畏怕山等藥者只用生硫黃研細辰砂研細各為末看證如何如寒多者倍硫黃熱多者倍辰砂寒熱相等者均用點蠟茶清調服 久瘧不愈者宜瘧母煎圓

若成勞瘡者宜以秦元鱉甲散只用薑錢烏梅煎服  
效亦可灸膏肓二穴四花六穴尤佳 瘡痰愈後宜  
以四獸湯草菓煎平胃散或嘉禾散調理但禁補藥  
糞糧粘膩物及房勞

新編備急管見大全良方卷之二

新編備急管見大全良方卷之三

治瘡疫

附 瘡癰 霍亂

第一 瘡說

瘡疾之盛多在兩廣不問老少貴賤沾此疾者少有  
生全僕遍尋方論更無至當之說聞後人撰集迴車  
論及嶺南代荅僕未見其文不知要領然幸嘗親履  
其地可不窮其要旨謹立此一門以備急用雖曰太  
略然愚者或有一得也僕原疾之由蓋極南之地暄  
熱下潦上霧毒氣熏蒸而成斯疾故杜荀鶴送人遊  
南海詩云花鳥名皆別寒暄氣不齊東坡荅周文之



默化堂帖亦云嶺南無大寒甚暑秋冬之交勾萌盜發春夏之際柯葉潛改四時之運默化而不知但整峯之頂晨光開而便晴暄雲氣罩而隨雨澤寒燠翻覆間每日備四時之氣而廣之諺曰四時常是夏一雨便成秋又徐訥與徐彥云南海黃茅瘴不死成和尚每聞此疾不死必禿何也然其疾多是發熱蒸乾了血脈至令禿也僕常處南海一日之間或寒或熱或當寒而熱或當熱而寒氣候不齊如此若四時不能攝養便成感冒瘴癘之疾其證多令人憎寒發熱煩渴腹脹脚腫目赤大小便不通或腹脇間有一癍塊而痛者名曰瘴母僕因是證而詳審古人用藥意

義粗得其要如瘴之名有煙瘴如煙霧也  
有嵐瘴嵐是山氣有青草瘴三月時有黃茅瘴八月九月有黃瓜瘴遇四五月小黃時下有蚰蛇瘴人吸吐其毒氣有蝦蟇食之則洞泄暴下有蚰蛇瘴人吸吐其毒氣有蝦蟇瘴為咳嗽有蚯蚓瘴兩後蚯蚓亦有烏蜂瘴起則有烏毒蟻之若人吸其氣則病而死若在廣中無病回家山則病名曰迴頭瘴又有寒熱之疾名曰瘴瘧若心腹疔刺疼痛者名曰攪腸瘴深窮其狀無此名稱無非土人做像而名之豈可為法雖曰寒暄不齊熱毒之氣熏蒸而成然彼方之人不造廁室不問男女皆是野溷遇天氣暄熱則臭穢之氣遍熏街路人吸其氣安得不成病乎若自己之氣盛感之則必有太

過熱盛之證令人發熱煩悶狂躁腹膨舌脹大小便不通彼方之人無藥可服但祭鬼祝由而已間有以針刺舌下放出惡血自此而愈亦是開門放賊之義古賢用至寶丹紫雪散毒散辰砂五苓散香苓散以解之或良方中木香圓利之必愈雖是發熱大便不秘小便不赤腹不脹滿者未可輕用大黃芒硝等藥蓋熱在表故也亦有熱甚者置病人於冷水中而安者亦有用沙糖地龍研細冷水調服而愈者此亦彼中之良法 若自己怯弱而沾此疾則其證多寒四肢逆冷身軀倦怠如被杖臍腹冷痛眼睛疼大便秘利小便或多或少不進飲食宜以聖散子四逆湯真武

湯冷附湯

若疑似之間但以不換金正氣散生料

五積散大藿香正氣散以溫之

如寒暄不齊其證

憎寒發熱頭項痛強身軀拘急百節疼痛者先以十

神湯芎芷香蘇散敗毒散百解散中和湯入廣相公

湯皆可選用之或寒熱如瘧先宜以劉散子秦艽鱉

甲散荆芥煮散五苓散以調之甚者以良方木香圓

詳悉見治瘧一篇中若平居無恙之時凌晨常服法

製蒼朮或平胃散正氣散不換金正氣散對金飲嘉

禾散沉香降氣湯烏沉湯蘇合香圓理中圓香蘇散

大藿香正氣散正其胃氣流暢氣血凌晨無使飢渴

衛後能節飲食

申時後氣門已開飲食難化易生疾病若房色太過精

氣虧虛亦能沾此 凡處瘴鄉能簡出入正胃氣節  
飲食遠房色雖曰居大法場中亦無害也若不能戒  
慎雖不在煙瘴之地者猶未免天枉况處煙瘴之地  
乎素問云我身之虛更逢天之虛邪未有不死者也  
大抵瘴此疾者要察陰陽表裏冷熱觀脉息大小浮  
沉虛實在表者汗之在裏者下之在上者湧之在下  
者泄之刺寒者溫之熱者涼之以平爲期不可以  
過此爲大法是以黃帝興四方之問後之學者不可  
不究管見如此儻與我同志之士有至當之論其可  
隱諸

第二

叙疫證治

夫疫之爲病統而言之則一歲之中長幼疾狀多相  
似者謂之天行是也若春應暖而清氣折之則責邪  
在肝病名青筋牽 夏應暑而寒氣折之則責邪在  
心名赤脉攢 秋應涼而熱氣抑之則責邪在肺病  
名白氣裡 冬應寒而暖氣抑之則邪邪在腎病名  
黑骨溫 土無正形因火而名故附金木水火而變  
病病名黃肉隨 其天行之病大則流毒天下次則  
一方一鄉或偏着一家悉由民庶同業所召故天地  
靈祇假斯不正之氣而責罰且人命有遭逢時有否  
泰故有偏着一家者况疫之所興或因溝渠不泄瀉  
其穢惡熏蒸而成者或地多死氣鬱發而成者或官

吏枉柳怨讚而成者世謂獄殛傷殛墓殛廟殛社殛  
山殛海殛家殛舡殛竈殛歲殛天殛地殛兵殛等不  
可不究古法辟之以屠蘇酒辟溫丹等外以門符書  
籙籙籙籙仍早晨洗盥罷焚香大小默念東海神阿  
明南海神祝融西海神巨乘北海神禹強各七遍以  
厭禳之

第三

殛疫證治

凡一歲之中長幼疾狀多相似者此名殛疫也然四  
時皆有不正之氣春夏亦有寒清時秋冬或有暄暑  
時人感疫癘之氣故一歲之中病無長少率相似者  
此則時行之氣俗謂之天行是也宜與芎芷香蘇散

十神湯升麻葛根湯敗毒散如熱不退者柴胡石膏  
湯大便祕者喝起散主之若春應暖而清氣折之則  
責邪在肝三四月或有暴寒其時陽氣尚弱為寒所  
折病熱猶輕宜升麻葛根湯解肌湯主之夏應  
暑而寒氣折之則責邪在心五六月陽氣已盛為寒  
所折病熱則重七八月陽氣已衰為寒所折病熱亦  
微宜以調中湯射干湯半夏桂枝甘草湯可選而用  
秋應涼而反大熱柳之則責邪在肺溫熱相搏多病  
痺者黃也宜白虎加蒼朮湯濃煎茵陳湯調五苓  
散冬應寒而反大溫柳之則責邪在腎其冬有非  
節之暖者名為冬溫此屬春時陽氣發於冬時則伏

寒變爲溫病宜姜蕤湯 土無正形因火而名當隨其經而取之也 仲景云冬溫之毒與傷寒大異蓋傷寒者傷寒氣而作冬溫者感溫氣而作寒疫者暴寒折人非觸胃之過其治法不同所施寒熱溫涼之劑亦異不可拘以日數發汗吐下隨證施行要之治熱以寒溫而行之治溫以清冷而行之治寒以熱涼而行之治清以溫熱而行之以平爲期不灼過此爲大法

## 治瘡癩

第四

瘡癩證治

王子亨論曰瘡癩之疾見巢氏病源及千金所載附

於時行熱病之後亦無專論的確主治之法或出於俗傳俚語以爲法故初得此疾往以葫荽葡萄酒及諸溫熱藥皆云發之使快隱在皮膚間世傳方以火燒人牙齒酒調服之又云始得此病不可投涼藥恐胃冷瘡不能發出多以謂瘡癩宜溫切須慎之今自歷事已來未嘗執此說者致病人耳目口鼻悉平咽中閉塞大便不通小便如血如此死者幾三十人又或見庖瘡其頭焦黑而陷則謂之倒靨亦始得之失於調解更增溫煖湯藥孤陽無陰鬱毒不散熱無從出反攻藏府陰氣前絕陽氣後竭故陷而不能起又加溫藥而發之其無斃乎余嘗究此疾大

抵亦時氣之一端有如癰癤麵片狀者有赤點如斑狀者有如豌豆之狀者或大小不等有出膿水者亦謂之膿疱蓋毒氣有淺深故發之有異狀其先爲風邪客於皮膚熱不得發泄者則爲癰癤之狀但皮膚瘙癢而其疾亦輕其先熱蘊於內外與風邪相連客搏於血則爲赤斑之狀其毒氣深蘊蓄伏於藏府開於經絡內外相合熱畜血聚紂而成膿則爲疱瘡右諸上說皆時行溫毒之氣唯受之有淺深故發之有異狀其疾始發大抵令人頭痛發熱皮毛洒淅如寒狀手足耳鼻時冷心中煩躁如以針刺皮中時或瘙癢時嗽甚者至於昏睡識語其脈大小不定應指

必疾非必日數深而後見亦始得之而發此證者慎無惶惑亂作也治將往者爲鑿今取近世已驗者附於其后

若頭痛發熱肢節疼痛咽燥痛者宜與升麻葛根湯

朱春議云治瘡癬與傷類頭痛身熱足冷脈數疑

似之間只可與升麻葛根湯緣此藥大能解肌兼治瘡子已發未發皆可服出不快者加紫草等分煎

瘡痒成癰癤者宜荆芥湯即消毒飲無防風有荆芥

朱春議云小兒身熱耳冷尻冷咳嗽此瘡癬也宜與消毒飲化毒湯紫草木通湯

時嘔者與小柴胡湯主之

不惡寒但煩躁小便赤澁多渴成斑點者與竹葉湯  
犀角飲主之

大便不通者四順飲子洗心散主之

昏睡譫語大便不通或如狂者宜大承氣湯

龐安常云藏閉毒攻非利不愈

若大便自利黑色此毒有所出亦不必慮與湯劑恐  
重增他病其大便已利不得用溫藥助之其瘡亦希

少自快利但以升麻葛根湯消毒飲最佳

朱奉議云若出得太盛即用犀角地黃湯解之

若瘡豆出不快煩躁不得眠者水解散麻黃黃芩湯

升麻黃芩湯活血散主之

瘡黑倒靨宜用猪尾膏無比散龍腦膏子無不驗也  
若熱毒攻咽喉痛者如聖湯主之

豆瘡入眼者決明散撥雲散蜜蒙花散通聖散蛤粉  
主之凡治瘡癬之法無出此矣

## 治霍亂

### 第五 霍亂證治

夫霍亂之疾多因飲食不節居處失宜或食生冷瓜  
菓魚腥太過或當風取涼露臥湿地致清濁相干揮  
霍變亂有先心痛而吐者或先腹痛而利者有吐利  
交作者有腳發轉筋者有煩渴引飲頭痛發熱者有

寒多四肢逆冷而脉息欲絕者六脉見浮洪者易治  
六脉微遲氣短厥逆者難治經云熱多而渴者與五  
苓散寒多不飲水者與理中圓或有寒臍腹滿痛或  
四肢拘急下利而吐脚轉筋者理中湯加生附子去  
皮煎作湯温服或來復丹胡椒湯呵子散可選而用  
之 若是夏月中暑霍亂上吐下痢心腹撮痛大渴  
煩躁四肢逆冷冷汗自出兩脚轉筋宜服香薷散濃  
煎沉冷冰冷頓服是效預宜修合以備此證石香薷  
須是撫州石上所產葉莖細小而味辛辣者良此藥  
加黃連甘草當歸療伏暑赤白痢疾有效若吐利交  
作四肢逆冷手足轉筋脉微欲絕不能語言者難治

謾以附子理中湯宜用自合用好附子方有效或研  
真來復丹以粥飲調服得陽氣復而大汗解矣



新編備急管見大全良方卷之四

# 治脾胃

附

一切氣 瀉痢 痔瘻 淋閉

## 第一 脾胃證治

夫脾者為諫議之官胃為倉廩之官屬土旺四季故  
 字皆從田內主肌肉外應於脣惡濕好燥喜歌樂畏  
 怒氣若安和則尅化飲食榮養一身故胃為水穀之  
 海主稟四時皆以胃氣為本若四時但是本藏之脉  
 而無胃氣脉者死啓玄子云補腎不若補脾能納  
 五味以養五臟故脾胃之氣一日不可虧也蓋脾之  
 脉喜見阿、緩大是脾之本脉也惡實大弦長濡弱

脾从卑从田  
 不藏字義我  
 故也

若脾胃虛弱則腹脹食減或飲食遲化或多食而不  
爲肌膚或嘔吐泄利腹痛面黃氣急甚則腫滿雖不  
覺其爲病日久却爲大害也治之各有方 若尋常  
溫補脾胃宜與穀神嘉禾散十八味丁沉透膈湯參  
苓白朮散平胃散建脾散理中圓大養脾圓 食不  
化者七香圓紅圓子感應圓少壯者與青木香圓

第二

腹痛嘔吐泄瀉噫醋吞酸證治

脾胃痛甚嘔逆不納食或喘急者可與七氣湯 若  
吐者與人參藿香湯人參丁香散 若泄瀉者與大  
沉香圓理中湯丁香豆蔻散 若噫醋吞酸者與如  
意圓思食圓

第三

翻胃不食證治

脾虛翻胃不納食及湯藥不下者可與膈氣散人參  
丁香散五膈寬中散

第四

心氣脾疼證治

心脾冷痛者此是有積若有寒積者宜先與溫白圓  
老人不可用此只與木香推氣圓次與感應圓兼博  
濟方蔥白散有寒者與大沉香圓次與蓬煎圓

第五

胃膈不快證治

胃膈不快氣滯者可與穀神嘉禾散沉香降氣湯烏  
沉湯七香圓快膈圓治中湯大便秘者與青木香圓

第六

膈氣證治

夫一切諸氣皆因憂戚中或盛怒中動傷真氣致使陰陽不和結氣於胃膈之中壅滯不快飲食不下遂成膈噎之疾可與木香調氣散五膈寬中散膈氣散嘉禾散若流入背臆背脊分肉之間痛不可除者與神保圓復元通氣散

第七 九種心痛證治

若九種心痛輕者可與蘇合香圓甚者九痛圓或神保圓用柿蒂灯心煎湯吞下

第八 腹脹脹滿證治

夫腹脹滿者有鼓脹穀脹寒脹留飲等證用藥皆異且以疾證輕者治之一切腹脹者可與三和散流氣

飲枳殼散分心氣飲

第九 癥積氣塊證治

夫癥積氣塊者皆因氣虛及寒氣熱氣怒氣志氣喜氣憂氣愁氣內結積聚堅牢如杯心腹絞痛不能飲食宜以藥漸消磨不可用宣利藥恐誤人可與七氣湯青木香圓木香椎氣圓挨積圓蓬煎圓積氣不散腹脇膨脹者可與積氣圓三稜煎圓心下堅硬結塊衝心者與溫白圓脹滿不思食者與嘉禾散丁沉透膈湯養脾圓消食圓

第十 小腸膀胱諸氣等疾證治

小腸膀胱奔豚疝氣等疾皆因腎氣虛弱膀胱久冷

風濕乘之傷於腎經氣滯不散小腹刺痛腎筋漏吊  
未可驟服補藥宜先以疎導發散之劑可與五苓散  
加連根葱白鹽舶上茴香一撮炒同煎服或神保圓  
葫蘆巴圓次以博濟方葱白散或鹽煎散沉香萹澄  
茄散川練散大沉香圓茴香圓仍炒茴香燒鹽細嚼  
熱酒送下

十一

脇肋刺痛證治

夫脇肋痛者方書所載甚夥僕考尋正經素問云少  
陽所謂心脇痛言少陽盛也 心氣逆則少陽盛心  
氣害木外鑠肺金故盛者心之所表也九月陽氣盡  
而陰氣盛故心脇痛也 足少陽脉循脇裏出氣街

心主脉循背出脇故爾火墓於戌故九月陽氣盡而  
陰氣盛也所謂不可反側者陰氣藏物也物藏則不  
動故不可反側也是以仲景論傷寒少陽膽經受病  
者主背脇痛而耳聾口苦舌乾往來寒熱而嘔者少  
陽經受病也有此證者宜小柴胡湯以解之 若身  
體涼表證罷咳而脇下痛者爲裏有水十棗湯主之  
若怒極煩惱悲哀太甚傷損肝氣至兩脇骨疼筋脉  
緊急腰脚重滯兩股筋急兩脇牽痛四肢不能舉漸  
至脊脊寧急者宜枳殼黃散芎藭湯主之 又有諸  
氣唯膀胱氣脇下痛者最難治神保圓與木通散輒  
能治之 若因損而脇骨痛者宜以太嶽活血丹先

去其血次以驅風療損藥則愈

十二 氣虛腫滿證治

氣虛腫滿者因脾氣停滯脾經受濕氣不流行致令頭面虛浮四肢腫滿腹脇膨脹如鼓嘔逆喘急者可與五苓散三和散分氣紫蘇飲木香分氣圓五皮飲加木香白朮煎甚者可與神助散喘急不得臥者宜與神秘湯

## 治瀉痢

第一 泄瀉證治

經云春傷於風夏生飧泄又云濕多成五泄又云濕

勝則濡瀉夫抵風喜傷肝春時肝木正旺而不受邪移氣尅於脾土脾土既虧又乃飲食不節居處失宜致令夏秋之間洞泄水瀉宜矣若有是證不可輕易便投硫黃附子肉豆蔻呵子驚粟殼龍骨石榴皮等藥若用此藥變為滯下者多矣宜先與五苓散和平胃散姜棗陳米煎服養吞戊己圓此藥大能溫中分利水穀或先與蘇合香圓和理中圓煎服亦妙若覺傷於飲食則腹脹時噯酢氣宜用蘇感圓主之

用蘇合香丸半錢重感丸半錢重各丸如綠豆大生薑橘皮煎湯吞下二十圓若心中煩渴手足心熱瀉下赤黃色米穀不化六脉實大此協熱下利也宜以五苓散吞黃連阿膠圓若

身體惡寒四肢逆冷腹中疼痛或不痛飲食欲溫而惡冷下利鶩溇六脉沉微此虛冷證也宜服附子理中圓金液丹阿梨勒圓木香散桃花圓。若夏月洞泄水瀉不止者可與朝真丹半硫圓又不止者以大肉豆蔻五枚麩裏煨令香熟去麩爲末入少白米飯爲圓如綠豆大飯飲吞下一二百粒即安。古人治瀉先當溫中理中圓散是也不止當分水穀五苓散是也又不止却當治下焦赤石脂禹餘糧湯是也。又有泄瀉前後不止肝腎虛也宜鍾乳建脾圓阿梨勒圓木香散。若日中飲食如故但五更初或侵晨泄利一次便止者此是腎泄宜與金鎖正元丹瀉止。

住服 若病脾泄腸滑不禁日夜無度虛羸者可與平胃散空心送下茴香圓兼服阿梨勒圓丁香豆蔻散萬一服已止之藥無效多服人參豆蔻散有效。

第二 赤白痢疾證治

夫赤白痢疾古人謂之滯下近代云無積不成痢以僕思之一歲之中豈惟夏秋之間有積而春冬無之得非致疾之由皆因春傷風邪然風喜傷肝春時肝木正旺而不受邪移氣尅於脾土脾受賊邪故不能尅化食飲又乃飲食不節恣食生冷硬瓜果魚肉粘膩等物積聚不化更因外感五邪如當風取涼露臥濕地等不爲霍亂則成滯下必矣其中却有冷熱之分。

其證有令人先泄瀉不止變成痢疾者亦有不瀉便成痢疾者其證心腹痛甚不可忍亦有不痛者裏急後重奏廁頻併或有或無宜子細看廁馬中若有一點或赤或白或赤白相雜此即痢證無可疑者雖曰赤色爲熱白色爲寒赤白相雜爲冷熱不調然不若姑以此法辨之論見如五心煩熱唇赤煩渴引飲心中欲冷而惡熱臍腹脹痛六脉洪數或六脉虛弱者便不可作虛寒治療投之熱藥此等脉證多因中暑得之近人多不明中暑而妄投熱藥傾人性命殊不知寒傷形而不傷氣所以脉盛熱傷氣而不傷形所以脉虛經去陽根於陰、本於陽、無陰以生陰

無陽以化凡夏月天氣熱當食以寒扶陰氣以養陽之時也今人以爲陰氣在內反抑以熱藥而成瘡痢脫血者多矣若見以上疾證宜以敗毒散去薄荷多加人參陳米姜棗煎服或以小柴胡湯亦加人參姜棗煎服極效近有一等絕不曾看方書創立謬論以敗毒散小柴胡湯本是治傷寒之藥未聞能療赤白痢疾又况六脉虛弱若服此等冷藥未必可活往以此眩惑衆聽使人狐疑不肯進藥而反甚其病者多矣亦有用濕熱之藥或以薏粟等而死者亦多豈知痢疾多是伏暑疫毒而成沈內翰云以小柴胡湯治赤白痢疾無如此神速蓋此藥大能卻暑以愚見考

之此二藥大能疏利肝氣敗毒散能去風邪故也  
若因暑毒而成赤白痢者以香薷散加黃連當歸甘  
草如厚朴教酒水濃煎沉冷水冷頓服或兼吞酒蒸  
黃連圓愈 若小便不通下痢頻併以淡竹葉煎湯  
調五苓散兼服黃連阿膠圓 若下痢純赤亦宜用  
之 九痢疾有冷熱虛實一時脉證未明全在醫者  
子細詳察不可執脉 若心中有時煩躁五心煩熱  
四肢棄縱不欲衣覆或揚手擲足飲食欲冷而惡溫  
下痢純赤或赤黃色者不問六脉虛弱及年高等人  
便宜以性涼之藥調治如敗毒散小柴胡湯黃連圓  
是也 若下痢純白或如魚腦或如鶩溇或滑泔不

禁臍腹冷痛四肢逆冷口若含霜飲食欲溫而惡冷  
六脉沉微不問少壯此是虛冷證也宜用溫熱藥治  
之如丁香豆蔻散阿膠勒圓木香散駐車圓或佐以  
四柱散附子理中湯然此等脉證宜子細辨王叔和  
云夫醫藥爲用性命所係和藹至妙猶或加思仲景  
明審亦候形證一毫有疑則考校以求驗經云問而  
知之爲中工切而知之爲下工是以古人以切脉爲  
下也朱奉議云證之与脉不可偏廢如中暑脉虛是  
也若病痢疾稍有煩渴熱證便不可輕用熱藥如附  
子乾姜桂枝鶩粟諸品丹砂雖脉虛弱此是伏暑作  
痢若更投附子熱性等藥真所謂抱薪救火如此死



者醫殺之耳 若下痢赤白相雜先以五苓散分利  
水穀兼以駐車圓六神圓仙方斷下圓 若下痢赤  
白或純膿或驚瀉鯨魚臍腹撮痛過痛則痢下；後  
則痛止此是有積作痢宜以加巴威應圓中加黃蠟  
圓如綠豆大各拾伍圓兼服其積必去若裏急後重  
者以枳實去穰麩炒黃煎湯吞下感應圓則愈 如  
未止但以仙方斷下圓或六神圓香連圓駐車圓服  
之必愈經云治赤白痢疾惟駐車圓極妙須是自合  
一貼作一服方效若服已上之藥疾未甚除此是陰  
陽不和；之即愈宜以自合四物湯多加膠艾木香  
煎服或以十全大補湯加蜜煎服之多有奇效 如

臍腹疝痛下血不止或如豆汁或如紅濁酒服之皆  
良驗詳觀古人用藥如斗之運轉豈庸人俗子所能  
造哉 若日久痢疾未止脾胃素壯者方可與水煮  
木香圓或人參豆蔻餅或真人養藏湯斷不湯萬金  
飲斗門散此六方雖妙但可施之久痢可也若始得  
痢疾而便投之反被其害大凡治痢疾未可便投罌  
粟殼地榆石榴皮緊澁之藥夫罌粟殼其性緊澁能  
損脾胃留滯毒氣而反增其疾正如溝渠停積不潔  
穢污之物若不先蕩滌却室塞其路使穢污無路而  
出可乎是以多因服此不進食飲日漸羸困強名曰  
禁口者多矣如古和劑方中未曾見用罌粟殼多用

黃連之藥然鶯粟殼非無功也而施之久痢則可更宜去盡筋膜穰蒂剉碎以白蜜和水淹一宿次日慢火炒令焦黃色庶得穩當若投之太早令人毒氣閉塞心絡噤口不食無法可施悔將噬臍 若因用鶯粟殼太早或失於修治傷損胃氣禁口不食者但以御米御鶯粟杵白煮成稀粥溫啜解之 若不因鶯粟殼而禁口不食者此是疫毒之氣閉塞心絡宜以敗毒散多加人參陳米姜棗煎服或以石蓮肉山藥人參爲末以陳米姜棗煎湯調服或以自合參苓白朮散亦可 若風痢純下鮮血或如濁赤酒或如黑豆汁者以胃風湯加黑豆木香煎服效十全大補湯

亦此意也大抵治痢脉見微小者生脉見浮洪者難愈虛者補之實者瀉之寒者溫之熱者清之滑者澀之秘者通之以平爲期不可以過此爲大法

第三 腸風痔瘻證治

若腸風藏毒下血者宜與黃連阿膠圓濃磨木香湯吞下及腸風黑散或四物湯加防風荆芥煎服有熱者可與龍腦雞蘇圓薄荷煎作小圓酒飲吞服 若熱而大便不通肛門腫痒時便血者宜服四順清涼飲或小二黃圓諸痔發作肛門腫痛甚者脫肛成瘻可與釣腸圓乳香圓黑玉丹槐角圓枳殼煎圓未破者驅毒散塗之更以猪膽汁潤之

第四 小便淋閉證治

小便不利者可與導赤圓導赤散五淋散五苓散加滑石細研用海金沙車前子灯心煎湯調服 虛者與石韋散膠轉不得小便者可與八味圓 熱者立效散

新編備急管見大全良方卷之五

諸虛不足

附 痼冷

骨蒸

第一 諸虛方論

論曰虛生百病實則少病凡在提孩之時已有胎氣不足致一藏一府之偏虛者自五六歲至三十上下婚與未婚肌肉薄瘠而體少色一虛也血虛則發熱每有病則熱難退手足煩熱二虛也陰虛者陽必湊之男女夜多盜汗者三虛也此皆稟受不足疾病易生非必知欲而後虛也而失血則肝虛思慮則心虛飢飽則脾虛多言則肺虛房勞則腎虛男子病後則

氣虛婦人產後則血虛喜怒哀樂則神虛勞動不息則形虛夫肝虛則目暗脚弱心虛則驚悸自汗脾虛則吐瀉腫滿肺虛則喘嗽上氣腎虛則齒痛耳聾氣虛則發厥血虛則發熱形虛則膚革薄瘠神虛則心志顛倒此其大略也且如補藥無出和劑局方況御醫供朝廷所服之藥口本和劑次則經進印行之方今之醫者說及和劑及印行經進之方則恥而不用於印行古書一方一件如不相識大抵欲出新奇以驚動流俗故也且如有人求方則援筆立書未解其意者以爲該博而喜之間有老成謹慮之士問方所出之處則曰家傳使人莫測而不知世俗多尚

套類可謂捨規矩而求方員也且如供補藥方先以鹿茸附子沉香菴蓉黃耆胡蘆巴鍾乳粉兔絲子五味子山茱萸山藥之類先定于中若言今腰足無力則加杜仲川牛膝續斷之類若云便澀併多則加覆盆子桑螵蛸單藓之類若云臍腹冷痛則加川椒茴香川練子木香桂心等若云心虛健忘則加人參遠志茯苓酸棗仁栝子仁等等若云又有白濁尿精則加龍骨牡蠣紫梢花之類若云有盜汗則加麻黃根節黃耆牡蠣等藥若云陰痿不興者則加鼈臍陽起石天雄原蚕蛾雀卵麝香之類是也若用澤瀉茯苓則笑而不用反言能導泄真氣使人畏之是以皆失古

意而反生奇禍而莫測間有造理之士必要見出古  
經而後用之是以孔子云某未達不敢嘗也

第二 平補腎氣證

男子嘗服平補腎氣之藥者可與五補圓安腎圓無  
比山藥圓八味圓茴香圓黃耆圓黃耆建中湯雙和  
湯十全大補湯大山芋圓小兔絲子圓

第三 腎氣損甚兼調脾胃證治

諸虛不足皆因腎氣虛憊下元積冷腰背疼痛肢體  
倦怠面無光澤精神不爽唇口乾燥眼暗耳鳴小便  
滑數夜多異夢盜汗失精不思飲食日漸羸弱虛損  
甚者可與鹿茸大補湯大兔絲子圓麝香鹿茸圓沉

香鹿茸圓

若脾胃俱虛者與脛臍圓橘皮煎圓

黑錫丹四柱散金鎖正元丹 下虛洞泄者四柱散

正元散丁香豆蔻散

第四 沉寒痼冷上盛下虛證治

若沉寒痼冷者皆因元氣虛損下冷上盛致水火不  
交陰陽失序手足厥冷及傷寒陰證霍亂轉筋下利  
久瀉脉息沉微者可與金液丹黑錫丹四柱散金鎖  
正元丹橘皮煎圓麝香鹿茸圓北亭圓沉香菓澄茄  
散附子理中圓養氣丹黃芽歲丹靈砂皆可選用若  
上盛下冷者以俞山人降氣湯或蘇子降氣湯吞黑  
錫丹

第五

虛憊白濁遺精證治

小便白濁夢泄遺精虛憊精滑不固者可與平補鎮心丹降心丹十四友圓定志圓威喜圓大建中湯四七湯吞青州白圓子 冷德虛損甚精冷不固者與金鎖正元丹

第六

心氣不足怔忡健忘證治

心氣不足健忘怔忡者可與定志圓降心丹平補鎮心丹十四友圓辰砂妙香散參苓白朮散

第七

虛汗盜汗五心煩熱證治

虛汗盜汗心忪氣短參可與牡蠣散止汗散大山芋圓黃耆建中湯人參當歸散加小麥煎服 自汗不

止者朮附湯正元散 心熱盜汗者辰砂妙香散

第八

消渴證治

消渴者空心可與八味圓食後臨臥以人參煎湯吞酒黍黃連圓

第九

虛勞發熱咳嗽吐紅證治

虛勞發熱至午後作熱者空心可服安腎圓八味圓無比山藥圓大山羊圓 飯前服沉香鱉甲散嘉禾散參苓白朮散四白散 食後服人參當歸散 若嗽黃涎或有血者臨臥服人參養肺圓大阿膠圓 如少壯發熱甚者可與逍遙散 如骨中熱者與人參黃耆散筒骨煎 虛人及老人者與黃耆建中湯

常服

第九

諸虛勞倦證治

諸虛勞倦背膊疼痛四肢拘急煩熱口乾虛汗盜汗者可與劫勞散秦光驚甲散沉香驚甲散人參輕骨散人參黃耆散黃耆建中湯可選而用之

十一

虛勞用藥說

張子剛曰凡虛勞之疾皆緣情慾過度榮衛勞傷致百脉空虚五藏衰損邪氣乘襲致生百病聖人必假藥石以資血氣密腠理以禦諸邪肌肉之虛猶物體之輕虛如馬勃通草蒲梢燈心絲瓜之屬是也非滋潤粘膩之物以養之不能實也故前古方中用鹿角

膠阿膠牛乳鹿髓羊肉飴糖酥酪杏仁酒蜜人參當歸地黃門冬之類者蓋出此意本草經云補可去弱羊肉人參之屬是也所謂虛勞者因勞役過甚而致虛損故謂之虛勞今人總見虛弱疾證悉用燥熱之藥如伏火金石附子天雄姜桂之類致五藏焦枯血氣乾涸而致危困皆因此也如虛而兼冷者止可於諸虛勞方中如諸溫熱藥爲助可也如此即不失古人之意蓋腎惡燥也

張子剛名銳居蜀中雞峰爲徽廟時御醫今已二百年矣

新編備急管見大全良方卷之五

五

新編備急管見大全良方卷之六

治積熱

第一 論積熱

積熱者藏府燥也多因精血既衰三焦煩壅復餌丹石酒炙之屬致腸胃蘊毒陽既熾盛陰不能制大便秘澁小便赤淋口苦咽乾涎稠眵淚飲食無度揮熖皆陰虛陽盛之所為也治之各有方

第二 積熱證治

上焦壅熱心經煩渴口舌生瘡頤頰結核咽喉腫痛  
噦物有礙者與甘露飲牛黃涼膈圓薄苛煎雞蘇圓

咽喉口齒 眼目骨蒸

附 瘡腫傷折 諸毒 五絕



鵬砂圓碧雪 若大便秘結者與小三黃圓洗心散  
四順清涼飲 若大便小便赤澁不通者與八正散  
導赤圓五淋散導赤散

第三 口舌生瘡證治

口舌生瘡者心經有熱也與碧雪龍腦飲甘露飲無  
憂散鵬砂圓腦屬三黃圓甚者洗心散

第四 顛頤結核咽喉腫痛證治

顛頤結核者與消毒犀角飲牛黃涼膈圓玉屑無憂  
散解毒圓四順飲子 若咽喉腫痛者與如聖湯或  
兼升麻葛根湯煎服亦妙 龍腦飲甘露飲消毒犀  
角飲薄荷煎牛黃涼膈圓甚者與四順飲洗心散小

三黃圓腦屬三黃圓若蟻物有礙水漿不下者與解  
毒雄黃圓如聖勝金錘石龍散無憂散可選而用之

第五 骨鯁及誤吞銅鐵竹木刺等證治

誤吞銅鐵竹木刺及骨鯁者與玉屑無憂散解毒聖

授丹

第六 牙齦疼痛證治

夫牙齒疼痛其證不一有熱痛者有虛而痛者有風  
虫牙疼者須子細詳證方可與藥 若齒齲浮腫口  
中氣熱滿口齒浮而動此因上膈有熱而痛也可與  
甘露飲龍腦飲煎服次煎升麻葛根湯灌漱 若大  
便秘小便赤者與八正散四順飲洗心散選而用之

若風虫牙齒痠痛者如後生壯實者可與細辛散赴筵散止痛去風與黑神圓乳香圓白龍圓亦可煎升麻葛根湯荆芥散灌漱 若腎經虛憊虛熱之氣上攻齒痛及老弱人齒痛者與黃耆圓安腎圓鹿茸圓八味圓可選而用之近人用冷水空心吞黑錫丹一貼作兩服次以赴筵散擦之亦可用荆芥散升麻葛根湯煎成乘熱灌漱

第七

眼目證治

眼目昏暗視物不明不腫不痛不赤亦無翳膜此是內障或見黑花或有冷泪者是肝腎俱虛不可便用涼藥宜與錦鳩圓菊精圓駐景圓明眼地黃圓還睛

圓決明圓 外障翳膜勞肉侵睛久病者空心可與駐景圓菊精圓食後服決明圓撥雲散菩薩散密蒙花散秘傳羊子肝圓紫金膏洗之春雪膏點 若肝有風熱眼澁痒痛臉背赤爛視物不明或生暗泪者可與菩薩散決明散還睛圓菊花散撥雲散密蒙花散紫金膏洗之近人以蝎附散兼嚼如聖餅有效 若暴赤眼昏澁疼痛羞明下热泪者不可便用點藥亦不可洗只與洗肝散洗心散八正散甘露飲菩薩散撥雲散還睛圓 若睛痛不可忍者與羌活圓還睛圓兩圓只作一服立止并治頭風疼痛神效或云允暴赤眼不可多服洗肝散只喫四五服則止之太

過則令人眼枯

第八

癰疽發背癩毒證治

余嘗編集外科精要專療癰疽發背其中議論取諸家之善方法擇經效之良稍有未經之文或聞而知之皆不敢取近之醫者不守古典凡見斯疾首以茸附姜桂諸品丹砂以療之若是陰伏尚可望生若是陽毒癰瘡始發其如抱薪救火安有生理養生必用方首以此為戒云與其腹背潰爛藏府焦枯膿血流漓孔穴穿空備諸惡而死不若利而死矣此之謂也又聞曾子先有云癰發未破則一毫熱藥不可服癰發已破一毫冷藥不可服僕依此訣用之多有獲安

是以諸家方論治癰疽始萌者首以宣熱拔毒藥療之如大小車螯散洗心散四順飲小犀角圓五香連翹湯漏蘆湯復元通氣散小三黃圓千金單煮大黃湯多見服之而內消不復形之於外者雖通利三五行其毒氣有路而出不為內患也如癰疽已破宜服托裏散或內補十宣散先以猪蹄湯洗次以保安膏雲母膏乳香膏內消膏貼之如癰疽已破膿血出不快者可與三仙散漏蘆湯托裏散仍用雲母膏保安膏乳香膏內消膏貼之瘡口不合者可與桃仁散麒麟散此其大略也詳載外科精要不復贅錄凡癰疽見於頭項已上者斷不可用蒜錢艾炷灸之

引得熱毒之氣乘上為害滋甚

第九

惡瘡疥癬湯火諸瘡證治

凡一切無名惡瘡漏瘡腫瘡冷瘡久年不愈者與桃仁散麒麟散雲母膏保安膏貼之風毒熱瘡及腎藏風瘡生膿胞濕爛浸淫者與四生圓四生散何首烏散胡麻散大便祕者與四順飲皂角煎圓桃仁散滑肌散傳之適身生瘡癢痒或生癰瘍者先服通大便藥先與皂角煎圓麻仁圓四順飲次與何首烏散四生圓胡麻散黃耆圓可選而用之仍以滑肌散透油散搽瘡乾痛者與王龍摩風膏疥疔頑癬者宜與白龍圓清心圓次與摩風膏滑肌散搽湯火

油燒成瘡者與佛手散

第十

擲撲傷折狗咬金瘡證治

男子婦人內傷外損狗咬蟲傷驢撲墜馬手足傷折一切疼痛腹中瘀血刺脇築心者宜服太嶽活血丹

第十一

解諸毒方

解百藥毒及百草菌蕈驢馬肉河魃魚等毒宜與神仙解毒聖授丹若虎豹驢馬蛇虫犬傷皆可磨搽併服極妙

解百藥毒方

甘草

薺苳

豆汁

藍汁

解砒霜毒方

千金子

去殼

白扁豆

去皮生

綠豆

去皮為末

解狼毒方

杏仁

藍汁

解射罔毒方 藕芡汁 竹瀝 大小豆汁 藍汁

解野葛毒方 雞子汁 甘草汁 猪膏 鴨頭血

解巴豆毒方 大豆汁 黃連 家葛蒲煎湯服

解梨蘆毒方 雄黃 貴葱湯

解雄黃毒方 防已

解閉口椒毒方 豉汁 桂汁 冷水 土漿 蒜

解甘遂毒方 大豆汁

解半夏毒方 生姜汁 煮乾姜汁

解礬石毒方 大豆汁 白鵝膏

解良毒方 薺芫 犀角 甘草汁 升麻

解馬刀毒方 清水

解杏仁毒方 藍汁

解桔梗毒方 白米粥

解大戟毒方 菖蒲汁

解野芋毒方 地漿 人尿汁

解躑躅毒方 梔子汁

解斑蝥毒方 猪膏 藍汁 大豆汁

解烏頭附子天雄毒方 連志 防風 棗汁 大豆汁

解防葵毒方 用之亦死毒只是大者不可服

解菌蕈毒方 掘地作坑約深二三尺以清冷水攪令

濁少頃飲之名曰地漿

解雞子毒方 淳醋 解鐵毒方 磁石

解花水毒方 防已 防風 甘草 桂汁

解飲食中毒心煩悶方 黃芩參汁飲之吐出即愈

解諸魚毒方 炙橘皮馬鞭草汁 生盧葦根汁亦能解

解河魀魚毒方 五倍子末 白礬 右研水調灌服

又方 槐花爲末 坯子和研水調灌服 橄欖

甘蔗 大黃汁 大豆汁 煮朴硝汁

解蟹毒方 冬瓜汁 藕汁 煮乾蒜汁 藕屑

乾蘇汁一云生紫蘇汁

解石藥毒方 人參汁 白鴨屎汁

解中金銀毒方 鴨血 水淋雞屎汁 雞子清

服水銀數兩即出

解諸菜毒方 甘草 貝齒 胡粉三件水和服

小兒溺乳汁服二升佳

解諸肉馬肝漏脯毒方 頭垢 韭根燒末 生韭汁

燒猪骨末 燒犬屎酒服 豉汁亦佳

解服藥過劑悶亂者 藍汁 吞雞子黃 飴糖 地漿

水和胡粉 豉汁 黃連 粳米粉汁

解惡氣瘴毒方 犀角 雄黃 羚羊角

解風腫毒腫方 木香 麝香 沉香 紫檀香

雞舌香 熏陸香

解咽喉痺腫邪氣惡毒入腹 犀角 射干 升麻

解蛇虺百蟲傷中毒方

雄黃 巴豆 乾薑 麝香 丹砂 白芷 鐵漿

青蜂蛇傷方 藍菰草按水服着青花如靛

毒蛇傷方 田中慈菰草根苗並研取汁冷水調服

瘡傷處 佛指甲草 白花草皆可研冷水調服

蜈蚣傷方 桑根皮取汁和鹽塗傷處 桑葉亦可

花蜘蛛傷或被尿成瘡 藍青 麝香和研塗傷處

毒蜂螫方 嚼人參付 藍汁 蓼葉 蜂房 糟皆可付

樹犬傷方 嚼杏仁付 礬石 韭根 蚯蚓泥皆可付

第十二 五絕方論

扁鵲治五絕方 一曰自縊 二曰墻壁壓 三曰溺水

四曰魘寐 五曰產乳悶絕者謂之五絕皆以

半夏為細末水圓如大豆許內鼻中即省又見母秘鋸

千金治自縊死凡見有此等事極須安定其心令一人

抱定徐緩解慎勿割斷其繩若心下猶暖者附後

以藍研取汁灌之或刺雞冠血滴著口中即活者

或以雞屎白如棗大以酒半盞和研灌服及著鼻中

尤佳

第十三 外臺秘要救溺死方

以皂角為細末綿裹半錢內下部須臾水出即活

余往五羊見登戶救男女墮水中者以常用薦席卷之

就平地上滾轉一二百轉則水出自活亦有用陳壁土

未覆之死者更以爐中暖灰覆臍上下則元氣回自活

省後當服利水之藥如五苓散異功五積散木附湯除濕湯不換金正氣散若欲兼服安心神收斂神氣之藥宜服蘇合香圓在人斟酌輕重冷熱而投之  
時後療臥忽不悟謂之魘寐慎勿以火照之則殺人但唾其面更痛嚙足大拇指甲際即省更以半夏圓吹入鼻中更以韭菜搗取自然汁灌鼻孔中冬月用韭根搗取自然汁灌即活

新編備急管見大全良方卷之六

新編備急管見大全良方卷之七

治婦人諸疾 附 求子

婦人用藥總論

一 夫天地造端於夫婦乾坤配合於陰陽雖清濁動靜之不同而成象效法之有類原茲婦人之病與男子不同者亦有數焉古方以婦人病比男子十倍難治不亦言之深乎但三十六病產蓐一門男子無之其如外傷風暑寒濕內積喜怒憂思飲食房勞虛實寒熱悉與丈夫一同也依源治療可得而知之

二 經脉不調證治



婦人月經不調或前或後或多或少淋瀝不止或肢體倦怠困乏少力飲食無味常服調補者可與四物湯熟乾地黄圓內補當歸圓琥珀圓勝金圓當歸建中湯澤蘭圓益陰丹可選而用之

三 經血過多不止證治

經血過多淋瀝不止者可與膠艾湯溫經湯烏金散益陰丹澤蘭圓小白薇圓內補當歸圓熟乾地黄圓

四 崩漏下血過多眩暈證治

崩漏下血過多頭目昏眩舉頭欲倒者可與芎藭湯膠艾湯烏金散琥珀圓暖宮圓大聖散內補當歸圓若崩中敗血連日不止者滋血湯

第五 五色帶下證治

赤白帶下服諸藥不瘥者可服澤蘭圓兼服平補鎮心丹速效大聖散溫經湯小白薇圓紫石英圓 若白帶不止腹常冷痛者可與暖宮圓麝香鹿茸圓黑錫丹尚香圓威喜圓澤蘭圓正元散來復丹 若帶下五色者可與益陰丹滋血湯伏龍肝散

第六 血海冷僊證治

血海冷僊者可與暖宮圓尚香圓大聖散黑錫丹麝香鹿茸圓內補當歸圓小白薇圓 若血海虛僊久冷漏下赤白五色不定或如豆豉汁者可與溫經湯伏龍肝散四物湯 血海冷僊者可與暖宮圓尚香

圓大聖散黑錫丹麝香鹿茸圓內補當歸圓小白薇  
圓可選而用之

第七 月經不通證治

若月經不通及室女月脉不行者可與蒲黃散逍遙  
散大聖散黑神散琥珀澤蘭圓通真圓活血丹四物  
湯甚者紅花當歸散皆可選用

第八 頭旋證治

婦人血風氣虛頭旋及產前產後頭旋者可與保生

圓四物湯膠艾湯許學士用蘇子降氣湯吞養正丹

第九 血風勞證治

婦人病血風勞胃膈不利經脉澁滯四肢煩痛心悸

者可與人參荆芥散熟乾地黃圓逍遙散

第十 虛勞證治

婦人虛勞發熱及寒熱俱發者可與黃耆鷲甲散逍

遙散地黃圓人參荆芥散油煎散兼服嘉禾散參苓

白朮散 熱不退者可與人參當歸散極妙 氣壯

者可與逍遙散如痰嗽或有血者臨臥服人參養肺

圓 若氣壯年少女人骨中作熱者可與熟乾地黃

圓空心服人參黃耆散食後服 筒骨煎亦妙

十一 疝瘕陰冷頭風攣痺無子漏下證治

婦人疝瘕陰中冷痛或頭風入腦寒痺筋攣血閉無

子漏下赤白者與熟乾地黃圓鍾乳澤蘭圓牡丹圓

十二 諸虛上熱下冷多病證治  
婦人無子或諸虛上熱下冷百病皆生者與小白薇  
圓禹餘糧圓陽起石圓

十三 心腹冷痛下利少氣腫滿證治

婦人先有寒冷心腹刺痛或腫或寒下利不止及少  
氣者可與吳茱萸湯活血湯血氣作楚心腹刺痛者  
可與紅圓子博濟方葱白散若遇經行心腹刺痛不  
可忍者兼服北亭圓

十四

血風煩熱遍身瘙痒癢癩赤腫證治

婦人血風攻疰五心煩熱遍身瘙痒或生癢癩或發  
赤腫者可與人參荊芥散消風散四物湯加防風荆

芥煎人參當歸散逍遙散 甚者與皂角煎圓  
血氣凝滯者先服青木香圓三四服疎開氣道

## 治婦人求子

### 一 求子論

夫有夫婦則有父子婚姻之後必求嗣續故聖人謂  
不孝有三無後爲大者言嗣續之至重也凡欲求子  
當先察夫婦有無勞傷痼害之屬依方調治使內外  
和平則婦人樂有子矣

### 二 月遊胎殺例

立春在房床 驚蟄在戶單扇 清明在門 雙扇

立夏在竈

芒種在母身

小暑在竈

立秋在碓臼

白露在厨廁

寒露在門

立冬在戶及厨大雪在爐及竈

小寒在房及母身

三十日遊胎殺例

甲巳日占門

乙庚日占碓磨

丙辛日占井竈

丁壬日占厨廨

戊癸日占米倉

四十二支日遊胎殺例

子丑日占中堂寅卯辰酉日占竈

巳午日占門上

未申日占籬根戌亥日占房

五六甲旬遊胎殺例

甲子旬遊竈碓

甲戌旬遊正廳

甲申旬遊中庭

甲午旬遊房內 甲辰旬遊房中 甲寅旬空

二六 太史局日遊胎殺例

每遇癸巳甲午乙未丙申丁酉戊午在房內北

庚子辛丑壬寅三日在房內南癸卯一日在房內西

甲辰乙巳丙午丁未四日在房東 六戌己巳日在房

內中餘日在外無占 元遊方位不宜安牀帳及掃

舍皆凶

又有小兒殺及本年三殺及產母身黃定命犯不可

元姪娘之後將此貼於當服常照應之切不可穿鑿

修掘移釘織繫籬壁重物展壓之類犯之重則子母

俱死輕則生子破形

新編備急管見大全良方卷之七

新編備急管見大全良方卷之八

治婦人妊娠

第一 妊娠食忌

羊肝 鯉魚鱠 雞子 鰲 雀 驢 騾 馬

蟹 鱠魚 蝦蟇 山羊 兔肉

孕婦忌食仍雞肉不可與糯米合食 鴨子不可與桑椹同食 雀肉不可與豆醬同食產前切宜忌之

第二 妊娠惡阻證治

夫妊娠惡阻病其狀顏色如故脉息和順但覺肢體沉重頭目昏眩擇食惡聞食氣好食酸鹹甚者或作

寒熱心中憤悶嘔吐痰水肯膈煩滿恍惚不能支持  
但疾苦有輕重耳千金方有半夏茯苓湯茯苓圓見  
於和劑專療此疾近來少有服者慮半夏有動胎之  
性今以白朮散入參丁香散服之有效

第三 胎動不安證治

若妊娠二三月至八九箇月胎動不安腹痛已有所  
見者宜與膠艾湯

第四 妊娠漏胎下血證治

夫妊娠三四月至八九箇月間或因觸犯方位或因  
跌擡損動胎氣忽然腰腹疼痛胎上逼心漏胎下血  
手足逆冷宜多服膠艾湯或以縮砂湯妙

第五 妊娠胎上逼心證治

治妊娠居處失宜血氣乖理胎氣不和懷胎近上脹  
滿疼痛謂之子懸宜與七寶紫蘇飲此藥兼治臨產  
驚恐氣結連日不生

第六 妊娠心腹刺痛證治

夫妊娠五箇月已上常肯腹間氣刺滿痛或腸鳴嘔  
逆戒食此由食飲失節喜怒過度而得之宜香朮散  
紅棗散

第七 妊娠腰痛證治

凡妊娠氣壅攻腰痛不可忍兼腹痛者與當歸飲獨  
活紫湯 鹿角酒

第八

妊娠心腹脹滿證治

妊娠心腹脹滿者可與枳殼滑胎散保氣散七寶紫蘇飲

第九

妊娠咳嗽證治

妊娠咳嗽不已者但擇穩重之藥投之如葶蓋散人參欬花膏之類

第十

妊娠子煩證治

妊娠四月母心驚膽寒多有煩悶虛躁或吐逆惡聞食氣頭眩四肢沉重百節疼痛多臥少起謂之子煩宜與竹葉湯一母圓及單飲竹瀝

第十一

妊娠傷寒傷風證治

妊娠偶然感冒傷寒傷風等不可輕易用藥如升麻葛根湯非不可用近時舖家多用野葛損動胎氣有赤芍藥又能破血服之致令胎動也如發熱惡風頭痛身疼輕者可與芎芷香蘇散敗毒散百解散黃龍湯良方中白朮散已上之方如傷寒傷風時氣等疾皆可選用

十二

妊娠瘡疾證治

夫妊娠瘡疾或先寒後熱或先熱後寒或寒多熱少或熱多寒少或寒熱相等者但揀平和之劑調理如四獸飲秦芫鱉甲散之類是也俟分娩後滿百晷却以主對藥治之

十三

妊娠霍亂證治

夫妊娠居處失宜飲食失節致令清濁相干揮霍變亂或先心痛而吐者或先腹痛而利者或吐利交作者或有煩躁渴而引飲者亦有四肢逆冷腳轉筋而脉息欲絕者亦可就前第

方論中擇平和之

劑與服則愈如五苓散理中湯訶子散胡椒湯香薷散皆可選用

十四

妊娠泄瀉赤白痢疾證治

夫妊娠泄瀉先宜溫中理中圓是也次分水穀五苓散是也未止方宜止瀉戊己圓已寒圓是也 若赤白痢疾腹痛者先與五苓散次以香薷散加當歸甘

草黃連等分酒水煎沉冷服兼以酒蒸黃連圓黃連

阿膠圓駐車圓香連圓久則以水煮木香圓皆可選

十五

妊娠大小便不通證治

妊娠大小便不通一時逼迫者可與八苳散一二貼若是胞轉小便不通者可與真八味圓效

十六

妊娠腫滿證治

夫胎水者妊娠多有之令人四肢腫滿腹脹氣急小便秘澁可服五皮飲子加白木木香煎服效

十七

滑胎易產方

夫妊娠至八九箇月胎氣壅隘宜常服滑利瘦胎易產之藥宜與滑胎枳殼散神寢圓榆白皮散保氣散



可選用

十八 凡藏衣安產宜於月空方位

六陽之月在丙壬 正月三月五月七月九月十一月

六陰之月在甲庚 二月四月六月八月十月十二月

如正月安產宜向壬位 藏衣宜向丙位餘做此

# 八月門

一 八月預備藥物

保氣散 佛手散 枳殼散 神寢圓

榆白皮散 保生圓 催生丹 黑神散

大聖散 花藥石散 黑龍丹 理中圓

催生符 乾地黄 羌活 葵子

黃連 雌雄石燕 竹茹 烏梅

甘草 海馬 馬嚼鐵 棗子

陳橘紅 薑錢 黑豆 無灰酒

百蜜 好醋 白米 蔘芎

童子小便 煎藥爐 鈹子 濾藥巾

醋炭盆 煮粥沙瓶 湯瓶 軟硬炭

乾柴茅 煖水釜 小石貳拾枚 乾蓐草

臥交椅 軟厚氈 洗兒肥皂頭髮

斷臍剪線 繳巾 燈籠 油燭

燈草 發燭 火把



皆是入月交合所致所以不特母病子亦生浸淫赤爛瘡瘍俗乃謂之胎蛆動逾歲月不差可不戒乎三則警覺太早大小揮霍或信卜筮或說鬼祟多方恐誤致令產母心驚神恐憂惱怖懼或被閹婦及喪孝穢濁之人衝觸若不預爲杜絕臨產必難三也何以知之如偷生之女不正之屬既無產厄子母均安其理可知四則臨產初馬腹痛或作或止名曰弄痛坐婆踈率不候時至便令試水試水頻併胞漿先破風颯產門產通乾澁及其兒轉便坐草坐草太早兒轉亦難致令難產四也直候痛極眼中如火此是兇逼產門方可坐草即令易產如坐草稍久用力

太過產母困睡抱腰之人又不穩當致令坐立傾側胎死腹中其爲難產五也六則時當盛夏暑宜居深幽房室日色遠處開啟窗戶多貯清水以防血暈血悶血溢妄行血虛發熱之證如冬末春初天色凝寒宜密閉產室室塞罅隙內外生火常令暖氣如春仍下部衣服不可去綿方免胎寒血結母致難產六也凡孕婦入月斷不可洗頭方免難產及橫生逆產也

催生方

催生丹見局方七寶紫蘇飲方見後

催生如神黑散子療橫生逆產瘦胎又治產前後虛損月脉不調崩漏大蓋血得黑則止此藥大能固血

免得乾生香白芷爲細末以百草霜研各等分石各秤一錢研停臨產坐蓐時以童子小便并少米醋打爲膏沸湯調服

四 催生如聖散

黃蜀葵花不以多少焙乾爲細末熱湯調三錢服如無花只用葵子研小半合以酒調濾去滓溫過頓服如打撲傷損胎死不下煎紅花溫酒調服神妙

五 治橫生逆產不順子死腹中

伏龍肝細研溫酒調服一錢其土兒頭上戴出是妙

六 廣濟方療難產三日不下方

以少淡醋湯吞雞子黃三枚立出

七 小品療橫生逆產手足先出者方

或以鹽摩產婦腹上或以鹽塗兒足底又急搔爪之即順千金文仲備急崔氏集驗同

八 張文仲療橫生逆產服諸符藥不驗者

灸右腳小指尖頭三壯艾炷如小麥大

九 驗死胎方法

夫產婦身重寒熱舌下脉青黑色若反舌上冷或唇口皆青吐沫者子母俱死不可治 若產婦面赤舌青子死母活也 若產母面青青吐沫母死子活之證古經無脉可驗但察其色所以望而知之者謂之神也

十全博濟救療胎死腹中

好辰砂一兩水煮數沸研令極細酒調貳錢服  
又方 以雞子黃一枚用姜汁一合調令停頓服分  
晚後喫芸臺粥補良

十一 鄧知縣療死胎不出妙方

先以平胃散酒水煎喫二服次以朴硝研令極細溫  
童子小便調貳錢服不三服下  
局方至寶丹療死胎不下極妙須是真者有效

新編備急管見大全良方卷之

新編備急管見大全良方卷之九

治婦人產後

一 產後將護法

凡婦人纔產畢切不得便問是男是女且令飲童子  
小便壹盞不得便臥且宜閉目而坐須臾方可扶上  
床仰臥不可側臥宜立膝不可伸足高倚床頭厚鋪  
茵褥遮圍四壁使無孔隙免被賊風時令人以物  
從心擗至臍下使惡露不滯如此三日方可止仍不  
可多臥着承之入宜頻喚醒方產畢先研醋墨三分  
服之不得太酸則傷肺成咳嗽也更產後三日令

產婦常聞醋炭氣或先喫真花藥石散半貼以防血逆血迷血暈胞衣不下之患次服黑神散一二服却喫白粥切不可飲酒一臘七日之後方可爛煮雌雞少喫些小以汁煮粥漸補助或殞猪前蹄不可用白猪花猪白脚猪；母等肉最生風疾更不可療須子細探問 若未滿月不宜多語喜笑驚恐憂惶哭泣思慮恚怒強起離床行動久坐久立用力工巧房勞等事 及恣食生冷粘硬菓菜肥膩魚肉鹽醋鹹醬醃藏之物 更宜避風寒不可脫衣洗浴仍不可用冷水洗濯當時雖未覺病輕則為辱勞宿疾重可死矣如此將息滿百晷方妙 若夜間產婦不可獨

處緣去血則心虛恐有驚悸之患所有血衣洗濯不可於日中曬暴免惹邪祟不得濯足恐血氣攻下不得刮舌刷齒傷心不宜就下梳頭恐成血逆血迷血暈之患仍不可登高廁已上避忌須滿百晷方免生疾 若有疾病並可依郭稽中二十一論方藥調理不可輕信庸俗之醫妄授一方輕投藥餌枉害生靈至祝

二

產後服藥次序調理法

若產後將息如法四肢安和無諸疾苦亦須先服黑神散五六服止之亦略備補益圓散如四物散四順理中圓內補當歸圓當歸建中湯之類不可太過又

恐因藥致疾也若產婦血盛初經生產覺氣悶不安者謂七寶散服之若寧貼不須服若三日後覺壯熱頭痛背膈氣刺者不可便作傷寒傷風治之須子細詳證若是乳脉將行而有此證宜服王露散一二服如無此證不必服若是血虛發熱者只用加減四物湯當歸川芎赤芍藥生乾地黄焙北柴胡法五味各淨秤叁錢重咬咀水煎服若產後晝日明了暮則憎寒發熱識語者亦宜服之若是感冒憎寒發熱頭痛者但可與秦芫鱉甲散神仙百解散或生料五積散方始穩當不可輕用柴胡麻黃大黃石膏等藥若因床帳太暖或產婦氣盛

或素多喜怒覺目眩暈如在舟車之上精神鬱冒者此是血暈即宜服清魂散一二服即愈或燒舊漆器以煙熏產婦鼻或打醋炭熏之亦可覺粥食不美虛困者可服四順理中圓三四服若於兩三日內覺腹中時撮痛者此為兒枕作痛但服局方當歸散黑神散必愈其他疾證見郭稽中方論中

三

胎衣不下者何

答曰母生子訖流血入衣中衣為血所脹是故不得下治之稍緩脹滿腹中以次上衝心背疼痛喘急者但服奪命散以逐去衣中之血散脹消胎衣自下

而無所患外有良法 今採得胡氏寶慶方一妙法  
云若產訖胞衣不下者花藥石散最為緊要若先下  
胞衣則泛之藥不能達若先治血悶則尋常之藥  
無此功無如此藥有兩全之散次則黑神散皆有驗  
然鄉居或遠於藥局倉卒之間無法可施但以此法  
云若產訖胞衣不下停待稍久非特產母疲倦又且  
血流入胞中為血所脹上衝心肯喘急疼痛必致危  
篤若有此證宜急斷臍帶以少物繫墜切宜用心  
先繫然後截斷不爾則胞上掩心而死如此斷之使  
其子血脉不潮入胞中則胞衣自當痿縮而下縱淹  
延數日亦不害人只要產母心懷安泰終自下矣累

試有驗不可輕信坐婆妄用手法多有因此而亡深  
可浩嘆

第四 產後血暈者何

答曰產後血氣暴虛未得安靜血隨氣上迷亂心神  
故眼前生花極甚者令人悶絕不知人口噤神昏氣  
冷醫者不識呼為暗風若作此治之病必難愈但服  
清魂散即省

第五 產後不語者何

答曰人心有七孔三毛產後虛弱多致停積敗血閉  
於心竅神識不能明了又心氣通於古心氣閉寒則  
舌亦強矣故令不語如此但服七珍散愈孤鳳散妙



第六 產後乍見鬼神者何

荅曰心主身之血脉因產傷耗血脉心氣虛則敗血停積上干於心：不受觸遂致心中煩躁臥起不安乍見鬼神言語顛錯醫人不識呼為風邪如此治之必不得愈但服調經散每服加龍腦一捻研入得睡即安奪命散亦妙

第七 產後所下過多虛極生風者何

荅曰婦人以榮血為主因產血下太多氣無所主唇青肉冷汗出目眩神昏命在須臾此虛極生風也但服濟危上丹則愈若以風藥治之則誤矣

第八

產後汗出多而變瘥者何

荅曰產後血虛肉理不密故多汗因遇風邪搏之則變瘥瘥者口噤不開背強而直如發癩狀搖頭馬鳴身反折須臾十發氣息如絕宜速斡口灌加減小續命湯稍緩即汗出如雨手拭不及者不可治也大豆紫湯愈風散亦妙小續命湯加減法詳見瘥部

第九 產後中風者何

荅曰產後五七日內強力下床或一月之內傷於房室或懷憂怒擾盪冲和或因灼艾傷動藏府得病之初眼溢口噤肌肉攣搐漸至腰脊筋急強直者不可治此乃人作非偶爾中風所得也 愈風散或可療

第十

產後熱悶氣上轉為脚氣者何

答曰產臥血虛生熱復因春夏取涼過度地之蒸濕因足履之所以着爲脚氣其狀熱悶掣癢驚悸心煩嘔吐氣上皆其候也可服小續命湯兩三劑必愈若醫者誤以逐敗血藥攻之則血去而疾益增矣

小續命湯說

觀脚氣

第十二 產後遍身疼痛者何

答曰產後百節開張血脉流散遇氣弱則經絡分肉之間血多流滯累日不散則骨節利筋脉急引故腰背不得轉側手足不能動搖身熱頭痛也若醫以爲傷寒治之則汗出而筋脉動惕手足厥冷變生他病但服越痛散愈陳無擇以五積散加少醋煎亦可

十二

產後心痛者何

答曰心者血之主人有伏宿寒因產大虛寒搏於血血凝不得消散其氣遂上衝擊於心之絡脉故心痛但以大岩蜜湯治之寒去則血脉溫而經絡通心痛自止若誤以爲所傷治之則虛極寒益甚矣心絡寒甚傳心之正經則變爲真心痛朝發夕死夕發朝死藥不可輕用如此失笑散亦妙

十三

產後心腹刺痛者何

答曰夫產後心腹刺痛者由母胎中宿有血塊因產時其血破散與兒俱下則無患也若產婦藏府風冷使血凝滯在於小腹不能流通則冷結聚疼痛名曰

兒枕若不治則變成疝瘕也宜延胡索散

十四 產後口乾痞悶者何

答曰產後榮衛太虛血氣未定食麩太早胃不能消化麩毒結聚於胃脘上熏膈中是以口乾燥渴心下痞悶醫者不識認爲肯膈壅滯以藥下之萬不得已但服見現圓則愈或先以四物湯去地黃加人參烏梅煎服亦妙

十五 產後下寒下熱者何

答曰陰陽不和敗血不散能令下寒下熱產後血氣虛損陰陽不和陰勝則下寒陽勝則下熱陰陽相乘則或寒或熱若因產勞傷藏府血弱不得宣越故令

敗血不散入於肺則熱入於脾則寒醫人若誤作瘧疾治之則謬矣陰陽不和宜增損四物湯敗血不散宜奪命丹又問二者何以別之時有刺痛者敗血也但寒熱無它證者陰陽不和也陳無擇以五積散加少醋煎服之間有效者

十六 產後腹脹滿悶嘔吐不定者何

答曰敗血散於脾胃脾受之則不能運化精微而成腹脹胃受之則不能受納水穀而生吐逆醫者不識若以尋常治脹止吐藥治之病與藥不相于轉更傷動正氣疾愈難治但服抵聖湯則愈

十七

產後血氣不通咳嗽者何

答曰產後咳嗽多因食熱麪壅納或熱病或有氣塊發時充心痛氣急咳嗽四肢寒熱心悶口乾或時煩躁睡夢驚悸氣虛肢躄無力宜服局方真異功五積散加棗煎或黑神散却以主對藥治之

十八 產後喉中氣急喘促者何

答曰榮者血也衛者氣也榮行脈中衛行脈外相隨上下謂之榮衛因產所下過多榮血暴竭衛氣無主獨聚肺中故令喘也此名孤陽絕陰爲難治若惡露不快敗血停凝上熏於肺亦令喘急但服奪命丹血去喘自定矣胡氏方二味參蘇飲亦妙

十九 產後口鼻黑氣起及鼻衄者何

答曰陽明者經脈之海起於鼻交頰中還出頰口交人中左之右之左產後氣消血散榮衛不理散亂入於諸經却還不得故令口鼻黑起及變鼻衄此緣產後虛熱變生此證其疾不可治名胃絕肺敗故不出方 但經驗方云遇有疾急取緋線一條并取產婦頂心髮兩條繫繫中指節上即止亦厭穰之一端也 又海上方云治產後中風鼻衄不止以荊芥爲末以童子小便調二錢服

第二十 產後血崩者何

答曰產卧傷耗經血未得平復而勞役損動致血暴崩淋漓不止或因酸鹹不節傷靈榮衛氣血衰弱亦

變崩中若小腹滿痛肝經已壞爲難治急服固經圓  
以止之

第二 產後四肢浮腫者何

答曰產後敗血者乘虛停積於五藏循經流入四肢  
留滯日深却還不得腐壞如水故令面黃四肢浮腫  
醫人不識便作水氣治之凡治水氣多用導水藥極  
虛人夫產後既虛又以藥虛之是謂重虛因致天枉  
且以黑神散不愈者但服小調經散血行腫消則愈

第三 產後腹痛及瀉痢者何

答曰產後腸胃虛怯寒邪易侵若未滿月欲冷當風  
乘虛襲留於育膜散於腹脇故腹痛作陣或如錐刀

所刺流入大腸水穀不化洞泄腸鳴或下赤白肚脇  
脹脹或走不宜急服調中湯立愈若醫者以爲積滯  
取之禍不旋踵謹之

第三 產後大便祕澀者何

答曰產後水血俱下腸胃虛竭津液不足是以大便  
祕澀不通也若過六七日腹中悶脹者此有燥屎在  
藏府以其乾澀未能出耳宜服麻仁圓以津潤之若  
誤以爲有熱而投以寒藥則陽消陰長變證百出性  
命危矣

評曰前論云若誤以爲有熱而投以寒藥則陽消陰  
長變證百出性命危矣而出方以麻仁圓反用大黃

可謂方論相反耳不若以烏方四物湯去熟地黃只用生乾地黃加去白青皮煎服嬰四服如半日又不通覺產婦少壯實者却少與麻仁圓只一二服止之不可太過也

第四

產後乳汁或行或不行或癰腫證治

凡產婦氣脈壅塞乳汁不行或經絡凝滯妳乳脹痛留蓄邪毒或作癰腫但服漏蘆散自然內消乳汁通行或乳脈將行之時身軀壯熱疼痛頭目昏痛或大便澀滯者可與玉露散此藥大能涼膈壓熱下乳

新編備急管見大全良方卷之九

新編備急管見大全良方卷之十

## 治小兒諸疾

將護嬰兒良法

一 凡新生兒坐婆急以綿纏手指繳去兒口中惡物令盡不可遲若吞下腹中必生諸疾聖惠方寶鑑方謂之玉疳疾若斷兒臍帶宜只留貳寸許更看帶中如有小蟲急撥去之留之必生異疾或先以線繫扎定方可洗兒否則濕氣入腹必作臍風之疾

二

諺曰

小兒生下合應爲須隔單衣咬斷臍短則又緣傷藏

府長因應是積膚肌無令水入偏爲妙莫使風傷恐

致疑且用新綿纏縛定免教孩子受災危

洗畢細裹了取甘草一寸或加黃連貳寸細剉用水

一合濃煎汁去滓以綿絮子蘸令兒吮之服盡半合

不妨當吐出惡汁或只大便下之謂之臍屎更以

好辰砂一字研細以熱蜜調置兒口中以去驚邪

然後飼乳自此飼乳之後須依時量多寡與之勿令

大飽則吐你不可止也乳母乳兒常捏去宿乳夏

常洗乳令淨捏去熱乳若令兒飲熱乳恐損傷肺氣

肯高脹滿令兒如龜背也

若擇乳母須精神爽健性情和悅肌肉充肥無諸疾

病知寒溫之宜能調節乳食你汁濃白則可以飼不  
可與乳母大段酸鹹飲食仍忌纔衝寒或衝熱來便  
餵兒乳如此則必成你癖或驚疳瀉痢之疾切須忌之

三 詞曰

形容醜惡不宜乳腋氣齶哮絕莫求若使但令漸染  
久識情方見有來由

三朝洗兒宜用虎頭骨桃枝猪膽汁金銀煎湯洗之

則兒少驚尋常澡浴用猪膽汁化入湯即不生瘡疥

四 浴兒歌曰

浴兒之法要相當莫遺類：弄水掣冬冷恐風吹着  
背髮炎因熱入於腸積猪膽汁傾於水桃李根湯洗

更良免使後來成疥癩孩兒從此日安康

五 浴兒良日

取寅卯酉日大吉 忌壬申丁巳癸巳日大凶

每日頻就無風處着兒上膊并兩頰內有白泡如膜起者速以指甲刮破更生更刮去之保童必效謂之鵝口更着舌下恐生重舌皆由兒在胎中母喫炙博肥膩飲酒服熱藥所致保童必效方自有藥治之若天寒時兒用父母舊衣作衣服不可用新綿絹只用舊者若太溫暖則令兒筋骨軟弱肌膚損血脈發瘡瘍也若天色和暖無風可令乳母抱孩兒頻見風日則血壯氣剛肌腠硬密堪耐風寒不致疾病

夜間不得令兒枕臂須作一二豆袋令兒枕兼左右附之可近乳母之側蓋覆衾衾須露兒頭面一向仰臥恐成驚疾頃時復回動之夏月須涼簾如夜間餵你乳母須起身坐地抱兒餵之如陰陽交接之際切不可餵兒乳必生癖此正謂之交你

或換衣綳三月房中不可太暖你母不可頻喫酒恐兒作痰嗽驚熱昏眩之疾至於變蒸次第你乳所傷夜啼潮熱之類自有專於小方脈者此略見之若能調和你食并看承愛護如法則別無疾病亦不須令兒常服湯藥此尤宜審之也

凡小兒勿虛易實有熱不可大攻之則寒胃氣或



上爲嘔逆下爲泄利蓋虛極則生風也有寒不可峻  
補之則衝塞經絡或上爲喘麤下爲秘塞蓋熱極  
則風生矣且如黃帝與岐伯立素問始終則說大人  
十二經絡即不說小兒蓋知小兒陰陽虛實自與大  
人治療不同緣小兒得病之由如襁褓者有痛不能  
言有脉至數不定所以聖人設啞科之名殆不虛爾  
今之醫者治小兒不精察其色脉又不究受病之端  
的在何藏府而主病者又不曉其故但據醫者亂投  
湯藥致病不能分別則坐受其斃矣

又有人家小兒有病不便謁醫且縱恣師巫百般見  
惑無所不作不得痊愈乃至求醫者拱手而立無

所指焉正所謂病已成而後治之譬如渴而穿井闕  
而鑄兵不亦晚乎

第六

保幼須知

夫嬰孩在胎十月滿足百神備而生凡生下三十二  
日爲一變六十四日爲一蒸三百二十日乃十變蒸  
滿足餘有六十日長其經脉手足受血故能持物而  
立經云變且蒸謂蒸畢而足一歲之日也所謂變者  
變其情性生其五藏蒸者蒸血肉之堅矣而五藏具  
焉設有疾病當察在色脉面青肝病面赤心病面黃  
脾病面白肺病面黑腎病也

木瓜園療兒初生下口中穢惡不盡即宜使吐纔啼

聲一發則又嚔下因生異疾

木瓜 麝香研 膩粉研 木香 檳榔各一

右爲細末水煑麪糊圓如粟米大每服一二圓無時

候煎甘草湯下

延胡索散療兒初生下盤腸刺痛面色青啼哭不止

延胡索 壹錢 乳香研 木香各半錢

右爲細末水七分盞煎至五分無時服少許

第七 常服驚藥說

凡小兒無疾之時不宜常服藥餌或有些小驚恐欲  
常服驚藥只宜與天麻防風圓與生犀膏其藥性平  
和不冷不熱久服不能致疾如金箔鎮心圓性寒不

宜輕用

小兒急驚證治

八 小兒急驚者皆因風邪干心渾身壯熱上膈壅滯心  
神不定忽然驚搐渾身拘急筋脉抽掣若有此候須  
先閉曾瀉不瀉曾吐不吐如未曾吐瀉忽然發熱手  
足搐抽目睛上視面赤口乾此急驚證也可與天麻  
防風圓蛇頭散蝎梢散牛黃膏睡驚圓金箔鎮心圓  
至寶丹消風散

凡小兒驚風則涎潮上咽喉中袞響勿令以藥吐之  
但以藥壓下涎令歸骨節也

若小兒涎盛搐搦間但扶持不可擒捉恐血脉不流

涎不歸元令兒偏廢手足也

九

小兒慢驚證治

小兒慢驚者皆因乳哺不調或食粘膩藏府壅滯及積熱爲風邪所傳入於藏府乍冷乍熱心神不定脾胃感冷或時嘔逆身軀濕壯手足不定睡中狂亂頭目乍赤乍黃此乃慢驚或吐瀉俱作忽然發驚而手足不甚抽搐有時棄縱及睡中露睛唇白手足冷口中氣亦冷切不可與急驚藥誤人多矣但可與金液丹四粒青州白圓子三粒同研以粥飲調灌如稍醒減金液丹加白圓子更於粥飲服理中湯益黃散參苓白朮散乳食後可與鎮心至寶丹或與金箔圓兼

服然此二藥大寒既是前函云切不可與急驚藥誤人多矣若是要服退驚搐之藥但可與至聖保命丹仍令乳母忌生冷動風毒物更令乳母服理中湯嘉禾散之類

十

小兒胎驚證治

小兒胎中驚風者因乳母觸冒寒暑邪氣傷入於胎中生兒之後洗浴當風冷觸於臍內邪氣不除變成胎驚之候百日之內頻頻煩躁啼哭無時目睛上視睡中搐搦或身冷頭面赤薰如青黃水者可與保生散此方無每服一字薄荷乳汁調下更用琥珀圓調理乳母兼服和氣藥調理

十一 夾驚傷寒證治

感風傷寒作熱氣急痰涎咳嗽或日間發搐或睡中發搐此乃來驚證也當先發表可與人參羌活散惺惺散銀白散微出汗如驚搐未退更服天麻防風圓若傷食發急驚者其證作熱面赤煩渴亦當先發表可與惺惺散人參羌活散銀白散次服紫霜圓揆積圓感應圓消散積聚却服前件驚風等藥

十二 小兒傷寒發熱證治

凡小兒傷寒傷風其證渾身發熱口中氣熱頭痛鼻塞或鼻流清涕者可與惺惺散升麻葛根湯人參羌活散銀白散 若其證疑貳之間渾身壯熱咳嗽

涼不熱又似瘡癩又似傷寒又似傷風者只可與惺惺散升麻葛根湯銀白散人參羌活散解表發散切不可與下利藥

十三 小兒癆豆證治

凡小兒患癆豆者其證乍熱乍涼呵欠煩悶咳嗽噴嚏耳鼻冷及脚冷但只惡熱不惡風渾身熱甚者或發驚搐或不搐一向發熱者此乃瘡癩證也可與升麻葛根湯惺惺散消毒犀角飲若已自利者只可與惺惺散不可與他藥詳見

十四 小兒瘡疾證治

凡小兒瘡疾寒熱往來連日發或兩日或三日一發

小兒三四歲已上者宜先與感應圓三兩服去其食積次服不換金正氣散草葉飲

如小兒吐乳者只令乳母服前件藥更有小兒潮熱似瘡者不可用瘡藥治之

若小兒因露臥而得瘡疾寒熱者以異功五積散散錢重加怕山一字水一中蓋姜三片酒一分煎留五分去滓露一宿次早五更盡盪溫量兒大小面東多少與服

十五 小兒咳嗽證治

小兒傷風咳嗽者可與惺惺散發散風痰次服潤肺散細辛五味子湯人參補肺湯若痰涎壅盛咳嗽者

可與人參半夏圓潤肺圓辰砂化痰圓天麻防風圓喘急喉中作水雞聲者可與人參定喘湯潤肺散華蓋散辰砂半夏圓

十六 小兒諸疳證治

凡小兒諸疳腹肚脹滿小便白濁下利酸臭此是疳證也可與五疳保童圓蘆會圓六神丹皆可服之

若口疳者與甘露飲四順清涼飲玉屑無憂散若口疳暴赤爛齒縫血出齦內臭爛甚則齒脫者名曰疳疔可與五福化毒丹用生地黃自然汁調以雞翎掃所患處

若小兒腹中有塊癥結硬面黃唇白肌瘦腹大寒熱往來如瘡或作潮熱者可與紫霜圓

按積圓進食圓開胃圓可選而用之每夜宜少服微  
微挨之次服參苓白朮散益黃散調理緣小兒腸胃  
怯弱只可漸消磨不可太峻利之

十七

小兒吐瀉證治

凡小兒吐瀉之疾有冷有熱若吐乳瀉青色者是傷  
冷也可與益黃散異功散參苓白朮散挨積圓小香  
連圓駐車圓皆可選用

若吐乳瀉下黃色小便赤少者是傷熱也可與五苓  
散香薷散參苓白朮散可選而用之

十八

小兒赤白痢疾證治

凡小兒先泄瀉變成赤白痢者可與小駐車圓益黃

散胃風湯小香連圓

若久不止者每遇欲下痢必

先腹痛次下痢過腹痛漸止者此是有冷積宜先  
與感應圖挨積圓磨積圓紫霜圓於後却與前項痢  
藥若渴者與五苓散縮脾飲兼服參苓白朮散人  
參散不進飲食者先與異功散助脾次服治痢藥

第十九

小兒雀目證治

小兒雀目者日間都見物遇夜則不見物者是雀目  
也可時與五福化毒丹臨臥用粟米煮飲調服

第二十

小兒十種丹毒證治

小兒丹毒變易不常一不得其法則攻入藏府懼不  
可救今寶是方有能遵此詳辨而治之萬不失一蓋

古聖三方一病自有一藥今之醫每得一疾則方不  
依古輒臆度用藥設有不效可徒歸諸命耶  
今錄小兒十種丹瘤腫毒所起形候并藥方法如后

一飛竈丹從頂頭起腫光用葱白研  
取自然汁塗

二吉竈丹從頭上紅腫痛用赤小豆  
末雞子清調塗

三鬼火丹從面起赤腫用竈心土研  
雞子清調塗

四天火丹從背起赤點用桑白皮爲  
末羊脂調塗

五天竈丹從兩臂赤腫黃色用柳木  
燒灰研水調塗

六水丹從兩脇虛腫用生鐵爲末猪  
糞調塗

七胡次丹從臍上起黃腫用檳榔爲  
末米醋調塗

八野火丹從兩脇赤腫用乳香研末  
羊脂調塗

九煙火丹從兩脚有赤白點用猪槽  
下土麻油調塗

十胡漏丹從陰上起黃腫用屋漏處

土研羊脂調塗

新編備急管見大全良方卷之十

圖書

